

四庫全書考證

二六

舊



叢書集成

初編




王雲五編者

商務印書館發行

國家圖書館典藏  
由國家圖書館數位化

四庫全書考證  
(六十二)



08247  
7437  
26

四庫全書考證卷六十二

子部

事物紀原

實賓錄

書叙指南

古今姓氏書辨證



四庫全書考證 卷六十二

二五九五

007496



事物紀原 宋高承撰

卷一

歲條。以閏月定四時成歲。原本定訛前。據尙書改。  
損膳條。言治亂名至言。原本至訛堅。據漢書改。

卷二

名紙條。禰衡初遊許下。懷一刺。原本刺訛制。據後漢書改。  
大火條。闕伯居商邱祀大火焉。原本火訛次。據左傳改。  
瑟條。士達作五絃之瑟。原本士達訛王建。據呂氏春秋改。  
五輅條。夏后謂之鈞車。原本鈞車訛車輅。據禮記改。

卷三

罕畢條。上有二螭首銜紅絲拂。原本銜訛銜。據夢溪筆談改。  
金帶條。作金毬紋方團帶。賜政府。原本毬訛裘。據宋史改。  
璽條。季武子使公冶問璽書而與之是也。原本公訛季。據左傳改。  
放榜條。將放舉時。命筆吏書。原本命訛却。據談錄改。

卷四

文字條。秦羽人上谷王次仲作隸書。原本羽訛曰。據陳繹曾書法本象改。  
繇爻條。韓宣子適魯見易象。原本象訛參。據左傳改。

頌條。咸黑爲頌。以歌九招。原本咸黑訛成累。據呂氏春秋改。

封建條。炎帝之世有諸侯夙沙氏。原本夙訛風。據帝王世紀改。

龍圖條。龍圖閣學士在樞直之下。原本樞訛桓。下訛上。並據宋史改。

天章侍講條。詔以賈昌朝等爲天章閣侍講。原本朝訛強。據宋史改。

卷五

太學博士條。自江左增置國子博士十六人。原本脫十字。據通典增。

律學博士條。衛覲奏請置律學博士。原本衛覲訛尉親。據晉書改。

將軍條。閻沒女寬。原本女訛汝。據左傳改。

卷六

經略條。宋自咸平四年八月張齊賢爲涇源安撫。原本宋訛將。今改。

館接伴條。契丹使至。令諸司緣路供帳。原本司訛亂。今改。

錄事條。公府官非州職也。原本公訛人。據晉書改。

卷七

鎮條。疑鎮始於字文周代也。原本鎮訛頭。今改。  
急遞條。以朱漆木牌金字。原本朱漆訛失之。據夢溪筆談改。  
浮橋條。天子造舟。諸侯維舟。原本維訛縱。據爾雅改。

卷八

車條。曲其輶也。原本輶訛輪。據前漢書改。  
杖條。曝然放杖之文。原本曝訛曝。據莊子改。  
土牛條。季冬立土牛于國都郡縣城外丑地。原本丑訛日。據後漢書改。  
桃版條。東海度索山有大桃樹。原本索訛朔。據山海經改。

卷九

機竺條。絲麻索縷。手經指緯。原本索訛素。緯訛絳。據淮南子改。  
鬪鷄條。季氏介其鷄。邱氏爲之金距。原本介訛芥。鷄訛羽。據左傳改。  
鳴鏑條。應劭曰。鶻箭也。原本鶻箭訛曉箭。據漢書改。

卷十

梟首條。叔孫昭子殺豎牛。投其首寧風之棘上。原本脫棘字。據左傳增。



不下驢條。楊愔字遵彥。原本楊訛湯。又前日在元子思坊騎秃尾草驢。以方麴障面。原本尾訛列。方訛力。並據北齊書改。

謝豹條。見人以前脚交覆首如羞狀。原本羞訛蓋。據酉陽雜俎改。

實賓錄 宋馬永易撰

卷一

五王第二條。信陽侯陰就。光烈皇后弟也。原本陰訛除。據後漢書改。

青錢學士條。騫味道稱張鷟文詞。猶青銅錢萬選而萬中。案舊唐書稱鷟者乃員半千。與此異。

進士中進士條。獨孤損擢吳游恭爲上第。唐末貢舉多請託。時謂恭及殷文圭爲進士中進士。原本殷沿宋諱作商。今改。

鑑脚刺史條。唐薛大鼎爲滄州刺史。時鄭德本爲瀛州。賈敦頤爲冀州。皆有治名。案舊唐書鄭德本爲曹州。賈敦頤爲瀛州。與此小異。

卷二

江東孔子條。陳顧野王。吳人也。原本顧訛故。據陳書改。

海東曾子條。唐百濟王義慈事親孝。與兄弟友。時號海東曾子。案海東曾子。唐書百濟傳作海東曾閔。與

此稍異。

樗里子條。樗里子名疾。秦惠王之弟也。其室在昭王廟西。渭南陰鄉樗里。原本渭訛謂。據史記索隱改。

汝南子條。後漢戴憑。汝南平輿人。原本汝南下多子字。據後漢書刪。

龍邱先生條。後漢任延爲會稽太守。案太守。後漢書作都尉。與此小異。

杜田生條。前漢田何字子莊。原本莊訛士。據史記。前漢書改。

江上丈人條。丈人刺小船。方將漁。員從而請渡焉。原本從訛促。據呂氏春秋改。

嵩山逸人條。提攜訪神仙。從鍊全生藥。案從鍊全生藥句。李白集作從此鍊金藥。與此小異。

西州智士條。益部爲之語曰。任文公智無雙。原本部訛都。據漢書改。

南嶽太師條。後漢卷縣人。雖汜詆言稱神。坐伏誅。案雖汜。後漢書作維汜。與此異。

### 卷三

七姓第一條。救災患。恤禍亂。同心以獎王室。案同心。左傳作同好惡。與此異。

第二條。范陽盧子遷。盧澤。盧輔。原本澤訛陣。據新唐書改。

四族二臣條。是以四族放而唐劭。二臣誅而楚寧。原本脫寧字。據陸機連珠補。

三相張家條。唐張嘉貞相。玄宗延賞相。德宗弘靖相。憲宗先第在東都。思順里。原本脫思字。隸舊唐書補。

修行諸楊條。唐濠州錄事參軍楊遺直。四子發假收嚴。取四時義。皆舉進士第。號修行諸楊。案北夢瑣言。

楊收父名惟直。官蘭谿縣主簿。號修竹楊家。與此互異。

三王第一條。江夏安樂縣有三王城。漢末王匡、王鳳、王常所屯。故謂之三王城。原本缺王匡。據漢書補。

三張第一條。中平元年。鉅鹿張角自稱黃天部師。有二十六將。皆著黃巾。衆至十萬。案三十六將。漢書作三十六萬。與此異。

三陸第一條。南齊陸惠曉三子僚、任、倕。並有美名。案惠。南史作慧。與此異。

兩刑二魏條。後魏魏季景清苦自立。博學有文才。原本脫一魏字。今增。

大鄭君小鄭君條。爾負吾君。執之以歸首。原本脫君字。據北史改。

卷四

二守第二條。後漢任光、邳彤贊。原本邳彤二字互倒。據後漢書改。

二凶第五條。唐張孝忠、德宗於定州置義武軍。以孝忠爲節度。原本孝忠二字互倒。據唐書改。

二莊條。王少頭陀寺碑文。原本少訛中。今改。

三絕第三條。景煥畫天王。歐陽炯作歌以贈之。僧夢龜善草書。寫之於壁。成都號應天三絕。原本脫僧字。

據名畫記補

三賢第一條。桓帝問陳蕃曰。徐氏章著袁閔三賢論德計行。孰當爲先。原本閔訛宏。案袁宏係東晉人。與徐穉時代甚遠。今據後漢書改。

三英條。潘起位崇將相。善始令終。原本脫相字。據唐書補。

京師三穢條。黃門侍郎崔泰爲門下之穢。案崔泰朝野僉載作崔泰之。與此稍異。

四賢第二條。王維爲濟上四賢詠。其三詠鄭霍二山人。案鄭霍二山人。文苑英華及河嶽英靈集並作崔鄭二山人。與此互異。

四公條。後漢謝弼上封事曰。台宰重器。國命所繫。原本繫訛繼。據後漢書改。

### 卷五

八世條。陸士衡辨亡論云。講八代之禮。原本脫亡字。今補。

八廚條。陳留相東平壽張張邈字孟卓。原本脫一張字。今補。

八慈條。荀淑有子八人。儉、緄、靖、熹、汪、爽、肅、專。原本緄訛混。據漢書改。

十九侯條。楊佗爲山都侯。原本山都下多一陽字。據後漢書刪。

五經紛綸條。後漢井丹。原本井丹二字互倒。據漢書改。

漢聖條。沛國公劉顯子臻。博覽經籍。精兩漢書。時人爲漢聖。好啖蜺。以音同父諱。呼爲扁螺。原本脫子臻

二字。據隋書補。又啖蜺。原本訛作噉蜺。今改。

碁聖條。晉阮蘭爲開封令。縣側有劫賊。外白甚急。數蘭方圍碁。長嘯曰。局上有劫。亦甚急。案阮蘭字茂弘。

圍碁事。載林坤誠齋雜記。原本訛作阮簡。今據改。

卷六

杜父條。晉杜預守荊州。修召信臣遺跡。激用澧清諸水。以浸原田萬餘頃。原本澧清訛澧涓。據晉書改。

宗室遺老條。劉向雅奇陳湯智謀。與相親友。原本雅奇二字互倒。據漢書改。

陸郎蕭郎條。唐陸象先爲洛陽尉。蕭嵩未仕。人不之異。夏榮者善相。云陸郎十年內位極人臣。然不及蕭郎一門盡貴。原本蕭嵩訛蕭瑀。案瑀爲初唐時人。與象先時代甚遠。今據新唐書改。

良友條。晉周顛。原本顛訛凱。據晉書改。

卷七

黃領小兒條。北齊崔陵有文學。偉貌。以簡貴自居。原本北齊訛後漢。據北史改。

神口條。王肅曾詠悲平城詩。彭城王勰甚嘆其美。欲使肅更詠。乃失語云。可更爲誦悲彭城詩。原本誦悲彭城詩。訛作誦平城詩。據魏書改。

虎口第一條。孔子既見盜跖。謂柳下季曰。疾走料虎頭。編虎鬚。幾不免虎口哉。原本走訛行。料訛疑。據莊子改。

第二條。所殺過當。虜救死扶傷不給。原本當字下多半字。據漢書刪。

新豐折臂翁條。此臂折來六十年。原本折來訛來來。據白居易集改。又注。開元初。突厥數寇邊。時天武

軍牙將郝雲岑出使。因引特勒回鶻部落。斬突厥默啜。獻首闕下。案郝雲岑。長慶集作郝靈筌。新唐書

作郝靈佺與此異。

木人石心條。又使妓女服袿襪。胠金翠。繞其船三匝。統顏色如故。原本胠訛祛。據晉書改。徐噉條。案噉馬令南唐書作噉。與此異。

### 卷八

山鹿野麋條。獸微弩強。是以發遲。原本發字上多應字。據世說刪。封豕條。昔有仍氏黥黑而甚美。光可以鑑。原本黥訛點。據左傳改。獼猴騎土牛條。原註州泰。鄧艾傳作周秦。案魏志鄧艾傳註仍作州泰。未詳原註何據。媪條。媪者秦穆公時野人所得肉塊而無七竅。案媪述異記作媪。

### 卷九

神仙宗伯條。唐道士王遠知父曇逸。陳揚州刺史。母梁氏。嘗寢夢靈鳳集其身。因而有娠。案舊唐書曇逸作曇選。母梁氏作母梁駕部郎中丁超女。與此稍異。

神人第一條。上黨孔瑗家多喪貧苦。案孔瑗晉書作鮑瑗。又并得銅錢數十萬。案并得晉書作浚井。文義較此爲長。

神明第四條。齊傅琰爲山陰令。有賣鍼賣糖老姥。爭團線來詣琰。琰掛團線於柱。鞭之。密視有鐵屑。乃罰賣糖者。案線齊書俱作絲。與此異。

卷十

卞田居條。齊卞彬爲車騎記室。性好飲酒。以瓠壺瓢杓。斲皮爲肴。著帛冠十二年。不改易。原本斲訛機。帛訛白。據南史改。

腰鼓兄弟條。原本鼓訛股。據南史改。

鹿皮公條。鹿皮公。淄川人。少爲府小史。原本少訛作。又淄水未出時。下呼宗族得六十餘人。命上山半。

水出。盡漂一郡。沒者萬計。小史遣宗室令下山。原本宗室令下山。訛作宗室上山。並據水經注改。

南金第四條。陳虞世。基博學高才。中書令孔奐見而嘆曰。南金之貴。屬斯人。原本奐訛莫。據陳書改。

卷十一

衛先生條。秦將白起伐趙。破長平軍。欲遂滅趙。原本脫破字欲字。據漢書蘇林注補。

瞿劭先生條。原本脫劭字。據晉書補。

甯先生條。有石藍之花。千年一開。名曰青藍花。原本青藍二字互倒。據王嘉拾遺記改。

元德先生條。可謂百世之師者矣。原本世訛王。據後漢書改。

上行先生條。忽見一道人。自稱願公。容止甚異。呼誥爲上行先生。授香而去。案願公。梁書作願公。

于叟條。于叟種德不逮。助華之高。原本逮訛達。據文選改。

北叟第二條。伯階抱鉗。徒幽裔。原本鉗訛鉛。據漢書改。

卷十二

賢士第一條。鄧騭推進天下賢士。何熙、祋諷、羊浸、李邵、陶敦等列于朝廷。原本祋訛被。據後漢書改。

義士第二條。隗囂令刺客楊賢于隴氏遮殺杜林。原本賢訛覽。據後漢書改。

廉士條。漢薛宣爲左馮翊池陽令。舉廉吏獄。據王立。原本獄訛後。據後漢書改。

俊士第二條。天生俊士。以爲人也。原本人訛名。據後漢書改。

又將爲巢許而去堯舜也。案去堯舜。漢書鄧暉傳注作父老堯舜。與此異。

卷十三

名士第二十五條。金樓子曰。余于諸僧重招提琰法師。原本諸僧訛諸生。據陳書改。

通儒第二條。後漢劉寵父丕博學。號爲通儒。原本脫劉字。據後漢劉寵傳補。

腐儒第三條。劉翬降爲湘陰公而死。原本脫陰字。據五代史補。

半人條。魏孟選字公悌。博學有知人鑒識。在荊州。目龐統爲半人。案殷芸小說載傳異有知人之鑒。在房

州。目龐統爲半英雄。與此互異。

寵人條。高位實疾顛。厚味寔腊毒。原本腊訛暗。據國語改。

忍人第二條。楚成王將以商臣爲太子。原本成王訛武成。據左傳改。



稷嗣君條。漢以叔孫通爲博士。號稷嗣君。史記欲以繼蹤齊稷下之風。劉向以稷爲齊城門名。案漢書張晏注曰。后稷佐唐。欲令復爲之。與此說互異。

英雄第一條。魏武帝將見匈奴使。自以形陋不足雄遠國。使崔季珪代。帝自捉刀立牀頭。原本崔詵權世說改。

卷十四

作楚囚條。風景不殊。舉目有江河之異。案江河。世說作山河。與此異。肉飛仙條。初建禪定寺。原本脫禪字。據隋書補。憨獠條。原本憨訛憨。據五代史改。

書叙指南 宋任廣撰

卷二

官職名事條。尙書曰文昌貴臣。注文粹潘炎序。原本序訛掌。今改。公府區字條。去之如始至。注左昭六。原本六訛五。今改。

卷三

宗族服屬條。晚有兒息。注李密表。原本表訛疏。又女工絲枲之業。原本闕枲字。今並改補。

婢妾姬媵條。妾上僭曰。衣服禮秩如嫡。注。左莊。原本訛僖三。據左傳改。

#### 卷四

心體狀貌條。申兩脚坐曰箕踞。注。張耳。原本訛陳餘。又急行曰窘步。注。離騷。原本訛惠連詩。今並改。

衣服冠履條。小兒紉曰櫛。注。前宣帝紀。原本訛後清河王。據後漢書改。

言語辨論條。參問廷議曰。博考朝臣。原本博訛傳。據漢書改。

賢智明敏條。孝且壽曰。仁孝多感。原本闕壽字。今增。

幼穉童壯條。童子曰。偃子。注。西京賦音振。原本音訛作。今改。

#### 卷五

師徒傳授條。貽我高矩。原本矩訛炬。據文選改。又善說禮服。原本禮訛履。據漢書改。

#### 卷六

防備巡徼條。巡徼仗曰執楯。注。後逸民。原本後訛役。今改。

#### 卷八

招邀以待條。掃除曰糞除。注。左昭一。原本訛第五倫。據左傳改。

#### 卷九

筵宴席會條。合錢爲會曰釀。注。禮記。原本訛貨殖。今改。

樓臺池園條。堂樓間邊小屋曰窳。原本間訛閑。今改。

卷十

稱頌慶賀條。所吉慶事曰吉隆之喜。原本脫曰字。今增。

胷腹誠懇條。稱人至誠曰。何子之情也。注。公羊。原本訛外傳。今改。

祝延善禱條。飲酒酌地。注。前傳昭儀。原本儀訛僖。今改。

冀望指準條。冀人斷絕曰了語。注。殷仲堪。原本殷訛易。今改。

慚悚羞愧條。又曰覲然。注。國語。原本訛傳咸。今改。

恕察推讓條。優容之曰下借。注。下音假。原本下訛十。今改。

卷十一

恐懼畏服條。使人驚怖。注。前漢書。原本訛楚詞二字。今改。

飢寒貧賤條。又曰蝸廬。注。焦先。原本訛楊沂。今改。

卷十三

風雨條。三日雨曰霖。注。左傳隱。原本訛士衡詩。今改。

卷十九

譬諭反類條。厖如黑子。原本厖訛塵。據漢書改。

卷二十

雜備稱用條始曰權輿注爾雅原本訛魯恭今改。

古今姓氏書辯證 宋鄧名世撰

卷二

東陽注宋員外郎東陽無疑撰齊諧記十卷案唐書藝文志作七卷與此異。

中梁注案古字中仲通用必仲梁氏之後也案中仲通用俱係去聲今與後中叔一條俱收入平聲非。

公明注孟子弟子有公明儀公明高案擅弓疏公明儀乃子張弟子此云孟子未知何據。

公齊注元和姓纂孔子弟子有公齊定謹案家語史記無此人未知何據案公齊定疑即公肩定之訛。

公邱注子思子有公邱懿子衛人與子思論人主自賊則衆謀不進事案漢書藝文志有子思子二十三

篇疑宋時尙存故鄧氏引之也。

卷三

鍾注漢西曹掾鍾皓字季明原本掾訛校據漢書改。

龍注漢藝文志有梁人龍德注雅琴龍氏九十九篇原本脫十九篇三字據漢書增。

義注出自三皇太皞伏羲氏之後案伏羲氏之後通志別爲戲氏魏志有戲志才潁川人。

彌且注。且一作姐。後秦有將軍彌且婆。彌且亭立。案彌且婆。萬姓統譜作彌且婆觸。  
遺注。魯費宰南遺後。急就章有遺餘人。案遺餘人。急就章作遺失餘。

卷四

其注。漢功臣表有陽阿齊侯其石。案陽阿。漢書作陽河。

慈注。八元其一蒼舒。諡慈。後世以爲氏。急就章有慈仁佗。案王應麟急就章補注作慈仁化。注曰。顏本作他。李本作地。與此俱異。

舉注。椒舉之後。案舉。廣韻以諸切。音余。今入魚韻。  
悽注。音棲。見姓苑。案廣韻不載此字。疑卽鄭字之訛。

卷五

崔注。崔寓四世孫琳字德孺。案唐世系表琳作林。孺作儒。又後周少司徒東郡公四子君綽。君肅。君胄。

君瞻。案唐世系表胄作宙。又宋汝南太守撫玄孫文仲生晉。相武后。案唐世系表作文仲之兄文舉。

生晉。又禕四世孫漑字義玄。案唐世系表作漑生義玄。此作字誤。又文正公五子稜。仲文。叔文。子

忠。子表。案唐世系表稜作悽。叔文作叔仁。子忠作子侃。子表作子聿。又仲文生隋內史舍人儻。案唐

世系表儻作儵。又清河小房寅字恭禮。案唐世系表恭禮作敬禮。又樂安郡守生長。案唐世系表

長作長謙。又綜生太子中允佶。原本太子中允作大理主簿。案唐世系表佶爲太子中允。證爲大理

主簿。今據改。又京生瓊。案唐世系表作京孫瓊。又博陵安平崔氏仲牟爲漢汝陽侯。始居博陵。安平生融。融生石。石生廓。字少通。卽四皓夏黃公也。案新唐書宰相世系表無廓。卽夏黃公之文。考前漢書夏黃公在漢初年已八十餘。此云仲牟曾孫。時代不合。恐誤。又毅生暉。字亭伯。長岑長。生三子。盤、瑗、實。案長岑。縣名。崔暉爲長岑長。乃縣令之職。原本作生長岑。長三子。盤、瑗。實。是以長岑爲暉子名。而盤、瑗、實。又爲長之子。其譌甚矣。今據後漢書改。又昂生仁師。相唐太宗。四子。揣、擢、攜、挹。案唐世系表攜作攝。又標字格祖。案唐世系表格作洛。又士元周江陵總兵武康郡公。案唐世系表士元作士謙。又頌生瑄。瑄。案唐世系表瑄作瑛。又猷生仲方。字文齊。案唐世系表文齊作不齊。裴注出自顯帝裔孫。大業生女華。女華生大費。大費生臯陶。臯陶生伯益。賜姓嬴氏。生大廉。案史記。大業取少典之子曰女華。生大費。是爲伯翳。生大廉。此以女華爲大業子。而以大費伯益爲兩人。俱誤。又左傳。高陽氏有才子八人。庭堅。卽臯陶字也。則臯陶爲顓頊子。此則爲大費子。於傳無徵。又劭生和。鍾。案唐世系表作劭生和。和生鍾。又孝瑜居蒲州桑泉。生寂。字立真。案唐書本傳寂字真玄。又蒨之字文聽。北齊隋王左常侍。生正。正生南鄭。鄭令育。案唐世系表作簡之。曾孫正生育。又無悔。八子。韋坦、昌、寬、歆、恂、晏。京。案唐世系表韋作卓。又思諒。生行儉。其子光庭。字連城。案張說裴行儉神道碑。行儉乃仁基子。此作思諒。誤。張九齡裴光庭碑亦祖仁基。又光庭生稹。案張九齡裴光庭碑。稹作積。又又生坦。字知進。相唐僖宗。生大理丞儲。案唐世系表儲係稷之子。又師道之弟師武。生懷感。案唐

世系表懷感係師義子。疑此武字卽義字之訛。又有隣生淑。案唐書淑作淑。

卷六

甄注。唐方技傳有甄權及其子立言。案唐書甄權傳。權弟立言。此作子。訛。

秦注。商孫西巴有仁心。嘗放麋。案西巴說苑作巴西。

新垣注。新垣固請子順相魏。案魏國策及世家俱無新垣固。疑有脫訛。

辛廖注。英賢傳。晉大夫辛廖之後。案萬姓統譜。晉作楚。廖作蓼。

中章注。漢儒林傳有長沙王太傅申章昌。原本太傅訛太守。今改。

卷七

元注。道武皇帝啗咄子也。案魏本紀及唐世系表。通武帝俱作實君子。與此異。

袁注。渙字曜卿。魏御史大夫。四子罕。遇奧。案唐世系表罕作侃。

溫注。河南溫氏後。魏官氏志代北溫盆氏改焉。案後魏尙有溫狐氏。俱改爲溫氏。此失載。

門注。唐京兆尹呂元膺擒山棚賊。門察。案門氏。王應麟謂出自周禮公卿之子。入王端門之左。教以六藝。

謂之門子。其後氏焉。莊子有門無鬼。又魏書官氏志。庫門氏。叱門氏。吐門氏。後俱改爲門氏。此俱失載。

恩注。風俗通曰。陳大夫成仲。不恩之後。案成仲不恩。萬姓統譜作成恩。

卷八

單注河南單氏後魏官氏志代北褐單氏可單氏並改爲單氏案魏志褐作渴可作阿  
安注安祿山母禱於軋牢山案牢唐書本傳作犖

卷九

弦注齊有弦多衛有弦施案施亦齊臣此訛作衛蓋以哀公年四齊陳乞弦施衛甯跪救范氏遂誤以施  
爲衛人耳

田注魏議郎疇字子泰二十四世孫璟唐鄭州司馬生承嗣案二十四世唐世系表作二十二世又璟  
生守義守義生承嗣此缺一代

縣注孔子弟子有賁字子象案縣廩父字子象見廣韻注廩索隱作豐家語無父字此作賁疑卽廩字之  
訛又有縣子成字子祺家語作子橫亦孔子弟子

錢注東晉歷陽太守鳳裔孫樂之宋太府令原本太府訛太守據宋職官志改  
連注五代史福建僞閣門使連重遇案連仲遇萬姓統譜作速重遇爲控鶴使

宣注土軍武侯宣義以廷尉擊陳豨侯千一百戶生孝侯相如案相如漢書作莫如

虔注出自黃帝之子得姓者十四人其一曰虔氏案國語胥臣曰黃帝之子二十五宗其得姓者十四人  
爲十二姓姬酉祁已滕葳任荀僖媯爨依是也惟青陽與夷鼓同已姓又云青陽與蒼林爲已姓據此  
則十四人中並無虔姓



延陵注。趙襄子有謀臣延陵正。案正。萬姓統譜作玉。

鮮陽注。漢有揚州刺史鮮陽進。案鮮陽進。萬姓統譜作解陽。戩。

卷十

蕭注。漢有丞相鄼文終侯何。三子。祿、貴、則。則生彪。案漢書何子二人祿、延。延生遺及則。則子慶。此作何三子。未詳所本。

貂注。齊寺人貂之後。案後漢書陽嘉四年初。聽中官得以養子爲後。周時不應有此。風俗通引貂勃爲近是。

聊注。漢有潁川太守聊謀。著萬姓譜。原本謀訛子。據漢書改。

搖注。漢功臣表有海陽侯搖無餘。本越將。以都尉擊項籍。封千七百戶。謚齊侯。案齊侯。漢書作齊信侯。又建生襄侯省。案襄侯。漢書作哀侯。

卷十一

高注。納字孝本。魏尙書郎納生達。江夏太守。四子。約、義、隱。案唐世系表義作文。又顓字門賢。輔國將軍。延康惠公。案唐世系表作建康惠子。又振生石字安表。案唐世系表振二子長石安。次表。今作一人。與表異。又河南高氏。後魏官氏志有婁氏。改高氏。案有婁氏。後魏志作是樓氏。

陶注。侃字士衡。娶十五妻。生二十三子。案陶侃傳。士衡作士行。二十三子作十七子。與此異。又侃生員。

外散騎岱。岱生晉安城太守逸。逸生彭澤令贈光祿大夫潛。案陶潛傳祖茂。武昌太守。此言潛祖岱亦異。又潛生族人熙之。案晉書宋書俱不載潛子。然潛五子見於誠子書。無熙之名。潛生族人四字。應有脫訛。

### 卷十二

蛇注。從秦姚萇有皇后蛇氏。兄蛇越。案通志作蛇越滂。

### 卷十三

楊注。知退生贊禹。贊圖。緒。濟。案唐世系表知退生贊禹。贊圖。緒。濟。業五人。此脫業字。又贊禹生澄。贊圖生如初。韋之。緒生齊業。案唐世系表。緒之下不載所生。原本齊業蓋齊係濟字之訛。復以齊業作一人名。誤。又壇生延叟。案唐世系表。叟作史。原本訛。又周總管宜陽公生文紀。字溫範。隋荊州總管陽山恭公。案隋書文紀襲封華山郡公。此作陽山。誤。

商注。孔子弟子有魯人商瞿。字子木。澤字子季。案季家語作秀。

房注。清河房氏出自祁姓房陵。案舜封堯子丹朱於房。爲房邑侯。春秋時防渚卽其地。秦爲房陵郡。唐武德爲房州。陵。丹朱之子也。原本考證未備。又瑄三子宗。偃。乘。案唐世系表。乘作衷。

張注。皓生字。北平范陽太守。避地居萬城。案唐世系表。萬城作方城。或因方萬二字破書之誤。又抗生仲端。仲膺。仲宗。仲基。仲方。仲孚。案唐世系表。仲基作仲暮。又府正生鑑。字貴權。案唐世系表。貴權作

季權。又平陸侯生準。陳案唐世系表。陳作東。又平陸侯始均生景之。案唐世系表。景作晏。  
莊注。光字子陵。至漢避諱。改爲莊氏。案漢明帝諱莊。故莊氏俱改爲嚴氏。此作改爲莊。誤。  
常注。楚珪四子。三原丞無畏。案唐宰相世系表。無畏作無爲。

卷十四

王注。騫生規。字威明。梁金紫光祿大夫南昌文侯。案唐世系表。文侯作章侯。又宏讓字恭宗。案唐世系表。恭宗作敬宗。又緘字方舉。隨州司馬生思息。案唐世系表。息作哲。又續字方節。越王府法曹參軍。生思崇。案唐世系表。崇作敬。又潤。杭州別駕。案唐世系表。潤作浦。又昶字文舒。魏司空京陵穆侯。二子渾。齊渾生湛。案晉書。渾昶之子湛。渾之弟濟。乃渾之子也。原本誤。又松年字北節。黃門侍郎。案唐世系表。松年。北齊黃門侍郎。原本字北節三字。訛衍。又重生文仲。君仲。英仲。案唐世系表。英仲作衆仲。又霸長子殷。後漢中山太守。食邑祁縣。四世孫實。允隗懋。案唐世系表。孫實下有三子二字。又中山宣王生襲。字光孫。案唐世系表。光作元。又九言。駕部郎中滄州司馬。案唐世系表。滄作并。又朔方軍將虔威。生司空霍國武烈公思禮。案唐世系表。虔作處。又紹懿。檢校司空。案唐世系表。

紹作昭

芳注。風俗通。漢有幽州刺史芳華敷。案華。廣韻作乘。通志作垂。

卷十五

唐注。防。工部員外郎。生君侯儀正。休正編中書舍人。案唐世系表。防子君侯貞休。貞儀。貞休生誠。誠生次字文編。中書舍人。原本編字上有脫文。又季孝字幼忠。益州倉曹參軍。案唐世系表。季孝作遺孝。又益州一作汴州。

臧注。魯孝公子彊。字子臧。其孫以王父字爲氏。一曰彊。食采臧邑。爲臧孫氏。案公子臧。左傳卽稱臧僖伯。此云彊。字子臧。其孫始以王父字爲氏。則彊子達。何以卽稱臧哀伯。服虔云。庶公子則以配字爲氏。尊公族。展氏臧氏是也。禮記正義。庶子以二十字爲氏。亦臧氏也。惟通志謂以邑爲氏。原本考證未詳備。

### 卷十六

卿注。戰國策有卿秦爲魏將軍。案史記燕王喜使卿秦攻代。趙使廉頗破之。則秦乃燕將。此作魏將。誤。平林注。史記平林老之後氏焉。案林。史記作陵。元和姓纂全。此引爲平林氏。誤。

萌注。出姓苑。案字典。廣韻俱不載此字。疑卽萌字之訛。正字通有五代蜀裨將萌慮者。今附入耕韻。羸注。出自顯帝裔孫。案索隱。女修。顯頊之裔女。吞虬子而生大業。其父不著。而秦趙以母族而祖顯頊。非生人之義。左傳。郟國少昊之後而羸姓。蓋其族也。則秦趙宜祖少昊氏。卽史記本紀亦未嘗謂出自顯頊。原本未詳所據。

### 卷十七

丁若注。晉有遂與令丁若某字堅固。案元和姓纂作丁若賢字弘固。

卷十八

劉注。郁字蔚卿。唐弘文館學士。生懷器恭。案唐世系表。恭作泰。

留注。子華子後序云。子華子程叔本聚徒著書。自號程子。門人甚多。其著書者曰留務滋子。又曰鬼谷子。姓留。即務滋也。案鬼谷子。神仙傳作姓王名詡。唐陸龜蒙詩謂名詡不詳所從出。高氏子略謂無鄉里俗姓名。隋志亦不著其名。此作留務滋。未詳所本。

穆注。后弟穆樂以校尉擊南越死事。天子封其子廣德爲龍亢侯。案漢功臣表作龍侯。穆廣德無亢字。

又穆從木。案漢書及通志。穆從手不從木。

牛注。出自子姓。魏大將軍牛金之後。六世孫幼聞生僧孺。案唐世系表。僧孺安平牛氏。出自漢主簿崇之後。遼允生弘。弘生方智。方智五世孫幼聞生僧孺。並無牛金名氏。至晉有小吏牛金。此作魏大將軍。未詳所本。唐時詆僧孺者多云牛金之後。原本或據此增入。當依唐史爲正。又前秦西州豪族牛雙推姚萇爲盟主。案雙通志作雙。

卷十九

周陽注。魏文帝時有周陽咸。周陽占異。案世語有周陽成能占災異。原本脫訛。

投壺注。晉中行穆子相其君景公會諸侯。與齊侯宴。投壺。案左傳。景公作昭公。

斟注。國語曰。祝融之後。侯伯八姓。斟姓無後。案鄭語。史伯曰。黎爲高辛氏火正。故命之曰祝融。其後八姓。

於周未有侯伯。原本脫未有二字。

金注。日磾字翁子。案漢書翁子作翁叔。原本訛。

卷二十

南宮注。魯孟獻子生閱。一名緒。字适。謂之南宮敬叔。案孔子弟子氏南宮者。曰括。曰适。曰緒。曰說。曰閱。皆字子容。而名有五。明夏宏基輯孔門弟子傳略。以南宮适括緒字子容爲一人。以仲孫閱說字南宮敬叔者爲一人。朱彛尊曰。攷春秋名號歸一圖。有仲孫閱。卽南宮敬叔。而不及括緒。則夏說似可從。史記索隱家語世本說苑諸書說雖不一。然古今人表既有南容。又有南宮敬叔。師古注於南宮則曰南宮緒。於敬叔則名南宮适。是有二南宮已皎然矣。又考閱乃僖子之子。非獻子也。

詹注。謹案元和姓纂曰。詹尹之後。誤矣。案詹氏。周有詹父詹桓伯。云出自宣王支子。封爲詹侯。晉有詹嘉。鄭有詹伯。俱在詹尹之先。原本辨其誤而不詳所自出。未爲明備。

卷二十一

薦注。春秋時薦呂臣字叔伯。生賈字伯贏。賈生薦艾獵。一名敖。字孫叔。孫叔從孫子憑。生掩。爲大司馬。自呂臣至子憑。四人皆爲令尹。案左傳桓六年。楚武王侵隨。使蘧章求成。而唐世系表云。蚡冒生薦章。然則蘧薦字同。而蘧章爲薦氏之始。鄧氏謂呂臣生薦賈。以僖公二十七年傳有薦賈尙幼之文。遂意爲呂臣之子。世本及杜預注皆未詳其系也。薦艾獵卽孫叔敖。爲薦賈之子。服虔杜預之說同。薦子憑。世

本爲薦艾獵之子。杜預爲薦艾獵之從子。其說不同。辯證所引。世次井然。以爲祖禰。或出臆說。是人注。北齊方伎傳。由吾道榮學。於是人氏。案北齊方伎傳。由吾道榮少好道法。聞晉陽人某明算術。乃尋是人。爲其家傭力以學道。則是人乃此人。非姓也。原本誤。

癸北注。國名也。女爲舜妃者。後爲氏。案山海經。舜妃登比氏。一曰登比氏。蓋皆字形之訛。

李注。徐王元興曰。徐王房。案唐書元興作元禮。又韓王元嘉生訓誼。譔諶訥小。鄭王元懿生礫。琰球璿。琳璿珩。原本作韓王元嘉生懿。懿生礫。與世系不合。今照唐書增。又證四世孫藥王。案唐世系表。詮生藥王。此作四世孫。不合。又遷生孝卿。穀州治中。三子敬。玄忱。元素。忱生欽。一案唐世系表。忱生欽。一作恍字欽。一。又長倩生絳。案唐書本傳。絳乃元善子。與此不合。又倅孫代和。案唐世系表。代作特。又唐乾元元年。西域匿識國王。訖俱設伊俱鼻施來朝。賜姓李氏。案通考。訖作紇。無上俱字。

卷二十二

子注。昭公生悼公。由案宋悼公名購。由原本脫購字。

卷二十三

呂注。行鈞。後魏東平太守。六世孫雄。案唐世系表。雄乃行鈞孫。此作六世。不合。

褚注。炫三子游。漢。漢。梁中書侍郎。二子濛。隨。濛生玠。案唐世系表。漢。梁中書侍郎。生象。象生玠。與此不合。

武注漢有武臣爲趙王梁鄒孝侯。臣生德。德生最。案史記功臣表。梁鄒孝侯武儒生子最。則最非武臣之後。此作臣生德。德生最。俱誤。儒漢書作虎。唐避諱作彪。又士彘卒。贈司徒周公。又贈太師。追崇魏王。配食高祖廟。原本卒訛明。又追崇魏王配食高祖廟。作大王。太后追崇魏王云。太王太后四字未詳。並據唐書武士彘傳改。

輔注唐齊州臨濟人。輔公祐爲盜。有傳。案祐唐書作祐。

庾注漢有庾乘者。司徒辟有道徵。不就。二子嶷。遁。遁二子某。史失其名。案遁晉書作道。又案庾純傳。劉斌議曰。純兄峻。以父老求歸。峻不得歸。純無得歸之理。則純卽遁之子。史未嘗失名也。字文注。遜昵延生俟。逗歸。案俟逗。北齊書作俟豆。唐世系表作佚豆。

### 卷二十四

杜注甫二子宗武。嗣業。案元稹杜甫墓誌及唐書本傳。甫一子宗武。宗武子嗣業。此誤。又師損二子德之。宗之。宗之生羔。案唐世系表。羔生宗之。與此不合。

解注有解梁不受楚賂。以死致君命于宋。案梁左傳作揚。此誤。

宰氏注陶朱公師計然。姓宰氏。字文子。案計然辛氏。元和姓纂訛以爲宰且。又指爲複姓。鄧氏蓋沿其訛。

### 卷二十五

菟注出姓苑。案廣韻無此字。篇海菟字通作菟。音免。今附入獮韻。



卷二十六

政注音好未詳案政乃古文好字廣韻集韻俱不言人姓正字通曰俞字變體爲政俞姓雖有表見者然

一音丑一音好聲亦不類今案字典有妯字女久切音紐姓也高麗人有之政疑卽妯字之訛

可頻注王雄之太原人西魏賜姓可頻氏生諫案後周書雄單名無之字諫作謙

賈注丕生沂案唐世系表沂作昕又敬言生令思令思曾孫耽案唐世系表敬言子遠則遠則生知義知

義生元琰元琰生耽與此不合

卷二十七

蔣注媛生毓毓生將明案唐世系表將明父瓌此作毓不合

長孫注魏孝文以獻帝次兄敦邱氏爲邱氏又次兄侯氏爲万侯氏案魏志敦邱作邱敦又侯氏後改爲

亥氏與此不合又道生三子旃太一德一案魏書旃作抗

耿注晉獻公滅耿耿國子孫奔楚以國爲氏耿之不比是也案左傳莊二十八年荆伐鄭已有耿之不比

爲旃之語是不比之仕楚在滅耿之先此疑附會

卷二十八

壽西注案漢紀昭帝元鳳元年冬十月詔曰燕王遣壽西長孫縱之等賂遺長公主丁外人云云蘇林曰壽西姓也長名也孫姓縱之名未知林果何據如無所據必孫縱之爲壽西長或壽西人姓長孫名縱

之者也。案長孫之氏。後漢獻帝時以拓跋氏改焉。始有此氏。漢時不應有此。鄧氏辯證似未可據。苟注出自黃帝子得姓者十四人。其一曰苟。案顏師古注。苟氏一曰本晉大夫苟氏之後。避難改爲苟氏。鄧氏辯證未備。

沈注出自姬姓。春秋魯成公八年爲晉所滅。案左傳。蔡公孫姓帥師滅沈。以沈子嘉歸。傳稱晉使滅之。據此則事在定公四年。此云成公八年於傳無徵。又乾生承。承生助。案唐世系表。承作泓。助作勛。

### 卷二十九

仲叔注。衛大夫仲叔于奚。案仲與中。古通用。前已收入平聲。此又收入去聲。未免自亂其例。

雍注。雍氏不出周文王而出于黃帝。不音去聲而音平聲。今從左氏及說苑爲正。案前于三鍾已收雍字。此又入于去聲。誤。

俸注。近世有此姓。音平聲。讀若豐。案廣韻。俸。上去二音。無平聲。

祕注。憚生夷侯安。案漢書。安作安國。又蒙曾孫政陽乘公乘詔復其家。案漢書作蒙孫陽陵大夫政詔復其家。此脫誤。曾字亦疑衍。

懿注。春秋襄二十六年。諸侯疆戚田。取衛西鄙懿氏六十。以與孫氏。杜預曰。戚城西北有懿城。因姓以名城。然則懿氏仕衛。乃其先公族以爲氏者。故懿氏卜妻敬仲。案懿氏卜妻敬仲。杜預注。陳大夫也。此上言仕衛者。或別爲一族。則可。今竟以懿氏卜妻敬仲爲衛臣。未詳所本。

自注。元初元年。郎中令自爲更爲光祿勳。案史記酷吏楊僕傳有光祿徐自爲。據此則非姓自名爲也。鄧氏之說似屬附會。

魏注。叔璘生汝陽令因。案唐世系表。因作殷。又明生馮猷。案唐世系表。猷作憲。

卷三十

路注。博德裔孫嘉。晉安東太守。曾孫建生慶。案唐世系表作建。曾孫慶。與此不合。又彩生究。案唐世系表。究作克。

慕容注。太原王垂字道明。仕苻堅爲京兆尹。泉州侯。案垂仕苻堅封賓都侯。此作泉州侯。

步叔注。齊人步叔乘爲孔子弟子。字子車。案廣韻。步作少。

契苾注。契苾部在延耆西北。其酋阿耨。自稱可汗。案阿耨。唐書回鶻傳作哥楞。

卷三十一

贅注。戰國策。齊人有贅子。嘗死贅上之難。案國策。濮上之事。贅子死。章子走濮上。此作贅上。誤。又各姓書所載。並無贅姓。字典廣韻亦無注贅爲姓者。今以國策。贅子一語爲據。考證未精。

卷三十二

万注。隋有穀城公万緒。案隋書作吐萬緒。

憲注。韻譜曰。八元仲獻之後。案左傳。高辛氏才子八人。一曰叔獻。此作仲獻。而以憲氏爲其後。未詳所本。

万紐于注。魏有注國萬紐于謹。案魏官氏志作勿忸于氏。

卷三十三

向注。出自子姓。春秋時有向戍。其曰出姜姓附庸向國。爲莒所滅。以國爲氏。誤矣。案通志。向出自祈姓。爲附庸國。與此異。

卷三十五

木注。前燕壽光末補誅賊首木骨和等。案慕容儁改元光壽。此作壽光。誤。

復注。漢年表有昆侯復彛。案漢功臣表。復彛作昆侯渠復彛。

陸注。南齊陸慧遠。慧徹。慧曉。慧恭。皆子真之子。案唐世系表。慧俱作惠。

獨孤注。武安公生業。業生子潛。案唐世系表。業作永業。潛作子佳。又士約孫冉。案唐世系表。冉作册。

又元慶生陳。案唐世系表。陳作思陳。

卷三十六

邳注。周先姑氏封于燕。原本姑氏作女吉氏。疑是鄧艾家諱。今改。

畢注。漢武功功臣有遼侯畢取。案漢書遼作滕。

卷三十七

弗注。後魏官氏志。黜弗。鉄弗。燕弗。並改爲弗氏。案史記。禹後有費氏。索隱云。世本費作弗。

蒯注左氏曹大夫蒯翰胡始以氏見案左傳蒯翰胡爲晉郤至車右非曹大夫

乞伏注傳大寒弟曰生雷勇士撫軍案晉載記大寒弟曰吐雷苻堅使爲勇士護軍撫其衆勇士川地名也此作生誤又大寒子曰司繁步類按晉載記類作類

悖注梁武帝子豫章王綜叛入魏帝改綜之子直氏曰悖案悖通志作勃

卷四十

塞注匈奴破月支塞王南君大夏案漢書西域傳大月氏西君大夏而塞王南君屬賓此作南君大夏誤又自疏勒以西北休儲揭毒之屬案漢書三十六國內有休循捐毒苟悅漢紀亦作休循此作休儲誤

莢注漢藝文志有莢氏春秋案藝文志莢作夾

四庫全書考證卷六十三

子部

歷代制度詳說

八面鋒

古今事文類聚前集

古今事文類聚後集

古今事文類聚續集

古今事文類聚別集

記纂淵海

羣書會元截江網

全芳備祖前集

全芳備祖後集

玉海



四庫全書考證 卷六十三

小學紺珠

六帖補

古今文選卷四  
古今文選卷五  
古今文選卷六  
古今文選卷七  
古今文選卷八  
古今文選卷九  
古今文選卷十  
古今文選卷十一  
古今文選卷十二  
古今文選卷十三  
古今文選卷十四  
古今文選卷十五  
古今文選卷十六  
古今文選卷十七  
古今文選卷十八  
古今文選卷十九  
古今文選卷二十

子部

四庫全書考證卷六十三



二六三〇

歷代制度詳說 宋呂祖謙撰

卷一

科目制度。一曰六德。知仁聖義忠和。原本忠訛中。據周禮改。  
詳說。且如王制論鄉秀士。原本士訛才。據禮記改。

卷二

學校制度。太常屬官有博士。注大戴德。小戴聖。原本聖訛勝。今改。

卷四

漕運制度。一邗溝通江淮。注西北至宋口入淮。通糧道也。案宋當依通志及困學紀聞作末。因各本左傳注疏俱作宋。承訛已久。今仍其舊。又率三十鍾而致一石。原本致訛至。據史記改。又期於大兵會平壤。原本壤訛襄。據通鑑改。又帝問侍臣汴水疏鑿之由。原本疏訛流。據宋史改。

卷七

錢幣制度。置益州交子務。注交子貿易。真宗朝置務。以朝臣注之。原本之訛人。今改。又公卿請令京師鑄官赤仄。原本仄訛灰。據史記改。

卷八



荒政制度。遣光祿大夫博士嘉等。原本脫祿字。據漢書增。

卷十

屯田詳說。因間出奇而後可以爲功哉。原本間訛兼。今改。

卷十一

兵制制度。前漢郎中令。秦官。奉官殿掖門戶。原本脫殿字。據漢書增。

八面鋒 宋陳傅良撰

卷二

爲治勿使人窺其迹條。昭殺一漢使。文帝遽命羣臣往哭之。刊本脫昭字。據漢書文帝紀注增。

卷三

兼才則隨所遇而能條。及居相位。以苛察失名。刊本相訛其。據漢書改。

卷五

用人之法條。踔厲風發。常屈坐人。刊本發訛嚴。據昌黎集改。又子在朕前之時。智略輻湊。刊本在訛前。

前訛用。據漢書改。

卷七

民心難以小惠劫之條。夫飢而弗恤。穆公固有愧也。刊本穆訛威。今改。  
天下之事不能兩全條。屈突通攻王世充而不顧二子之死。刊本屈突訛厥。據唐書改。

卷八

法無善惡條。盜跖見飴曰。可以黏牡。刊本牡訛壯。據淮南子改。

卷九

剛強生於柔弱之餘條。生不私其家。死不屬其子。刊本屬訛厲。據檀弓改。

卷十

下之慢令條。子頽子朝之所逼。刊本頽訛弟。據左傳改。

卷十一

無事時當預求人才條。遂擢李巨。罪亡之餘。一日授以三節度。刊本巨訛臣。據唐書改。  
事不足撓條。魯雞之不期。則蜀雞之不支。刊本上雞字訛難。下雞字訛漢。據昌黎集改。  
人情不可使無所顧條。子孔爲載書而國人弗順。刊本子孔二字訛倒。據左傳改。

卷十二

宰相得人條。睠睠事職如源乾曜。刊本源乾二字互倒。據唐書改。

古今事文類聚前集 宋祝穆撰

卷一 天道部

太極類。莊子論太極條。在六極之下而不爲深。刊本六訛太。據莊子改。

卷三

霧類。作五里霧條。張楷。刊本張訛裴。據後漢書改。

卷四

雪類。雪賦。至夫繽紛繁驚之貌。皓汗皎潔之儀。刊本驚訛露。據文選改。

卷五

荒歲類。羣書要語。一曰散利。二曰薄征。刊本散下行貨字。據周禮刪。

卷十 天時部

秋類。秋興賦。雖末士之榮悴兮。刊本土訛事。又斑髮彫以承弁兮。素髮颯以垂領。刊本彫訛彪。又素訛索。並據文選改。

卷十三 地理部

地理。漢封禪記。蹠蹠據頓地。不避濕暗。刊本濕暗訛燥濕。據後漢書改。

卷十四

衆山類。華子岡。且申獨往意。乘月獨潺湲。刊本申訛乖。據詩紀改。

卷十五

海類。遊赤石進帆海。揚帆采石華。挂席拾海月。刊本海訛明。據文選改。

潮類。胥山祠銘。乃起忠祠。刊本起忠訛啓真。據唐文粹改。

卷十六

江類。羣書要語。令沅湘兮無波。刊本沅湘訛湘源。據楚詞改。

江賦。挺自然之嘉蔬。刊本蔬訛葩。據文選改。

渡新安江貽京邑遊好詩。紛吾隔囂滓。寧假濯衣巾。刊本假訛可。據文選改。

卷十八

泉類。冷泉亭記。山樹爲蓋。巖石爲屏。刊本蓋訛怪。據白氏長慶集改。

卷二十帝系部

皇帝登極類。后妃傳序。外有攻討之勤。內寡燕溺之私。刊本寡訛慕。據唐書改。

卷二十四人道部

故交類。班荆與食條。班荆相與食。而言復故。刊本而訛時。據左傳改。

廣絕交論。故網緼相感。霧涌雲蒸。刊本緼下衍於字。據文選刪。

卷二十六 仕進部

士子科目類。北齊取士條。其有濫劣者。飲墨水一升。刊本升訛勝。據通典改。  
狀元類。叱呼狀元條。既爲判官。不可曰狀元。刊本脫元字。據東齊遺事增。

卷二十八

座主類。門生迎父條。文章舊價留鸞掖。刊本掖訛翼。據唐詩紀事改。

卷三十

薦舉類。爭令出門下條。踔厲風發。刊本發訛雅。據昌黎集改。

卷三十二 退隱部

閒退類。封邱作。悲來向家問妻子。舉家盡道今如此。刊本舉訛本。據全唐詩改。

卷三十三

隱逸類。子陵垂釣條。子陵不可相助爲理耶。刊本脫理字。據後漢書增。

卷三十四 仙佛部

仙類。麻姑壇記。七月七日王君當來過。刊本王君二字互倒。據神仙傳改。

卷三十七 民業部

獵者類。上林賦。頽牆填壑。使山澤之人得至焉。刊本至訛志。據文選改。

卷三十八 技藝部

醫者類。守庚申條。不守庚申亦不疑。此心良與道相依。刊本脫申字。據芝田錄增。

卷四十五 樂生部

壽類。唐九志詩。雪作鬢眉雲作衣。刊本雲訛荷。據全唐詩改。

卷四十六

年齒類。岑文本條。馬周火色鳶肩。刊本鳶訛猿。據唐書改。

卷四十八 神鬼部

神廟類。羅池廟碑。其始自今。欽於世世。刊本脫一世字。據昌黎集增。

古今事文類聚後集

卷六 人倫部

教子類。贈張籍詩。顧視牕壁間。親戚競覘矚。刊本競訛諺。據昌黎集改。

卷七

無子類。老牛舐犢條。後漢楊彪位至太尉。刊本楊訛王。據漢書改。

卷十一

姑姨類。寄狄明府詩。黃土泥衣眼易眯。刊本土泥訛汚人。據杜工部集改。

卷十六

寵妾類。舊桃能詩條。不知織女寒牕下。幾度拋梭織得成。刊本寒訛螢。今改。

卷十九 肖貌部

鼻耳類。耳鬢面壁條。終日面壁不與人接。刊本日訛切。今改。

卷二十

眠睡類。夢黃熊條。其神化爲黃熊。以入於羽淵。刊本羽訛內。據左傳改。

卷三十三 林木部

柏類。古柏行。孔明廟前有老柏。柯如青銅根如石。刊本有訛古。銅訛銀。並據杜工部集改。

卷三十七 毛蟲部

獺類。詩句。沙喧獺趁魚。刊本趁訛祭。據杜工部集改。

卷三十八

馬類。羣書要語。士或有負俗之累而立功名。刊本立訛致。據漢書改。

卷四十

豕類。牧豕海上條。以賢良徵爲博士。刊本博訛舉。據漢書改。

卷四十一

鼠類。竹鬮詩。念茲微陋質。刀几安足枉。刊本刀訛書。據東坡集改。

卷四十二 羽蟲部

鶴類。羣書要語。蕙帳空兮夜鶴怨。刊本蕙訛蓮。據文選改。

卷四十三

鸚鵡類。鸚鵡賦。踰岷越嶂。載罹寒暑。刊本岷訛峴。據文選改。

卷四十四

鳥類。火流爲鳥條。其色赤。其聲魄云。刊本脫聲魄云三字。據史記增。

卷四十六

鴈類。咏湖中鴈詩。白水滿春塘。旅鴈每廻翔。刊本塘訛堂。據文選改。

卷四十八 蟲豸部

蟬類。鳴蟬賦。一氣候至百蟲驚兮。刊本驚訛鳴。據賦彙改。

古今事文類聚續集



卷一 居處部

國都類。西京賦。重門襲固。姦宄是防。刊本固訛故。又象扶桑與濛汜。刊本桑訛與。並據文選改。

卷二

汴都賦。跨虹梁以除病涉。列佳木以安况瘁。刊本况瘁訛怵惕。又貫城爲渠。並洛而趨。刊本趨訛總。並

據賦彙改。

卷三

道路類。羣書要語。軍旅田役令銜枚。刊本銜枚訛牧氏。據周禮改。

津堠類。東西之界條。姑尤齊東界也。刊本東訛魯。據左傳注改。

卷六

館驛類。虛館以待條。管寧與王烈至遼東。公孫度虛館以待之。刊本脫孫字。據魏志增。

友人適越路過桐廬寄題江驛詩。王孫客悼殘春去。相送河橋羨此行。刊本送訛去。據全唐詩改。

卷七

鄰類。南隣詩。白沙翠竹江村暮。刊本村訛州。據杜工部集改。

卷十

橋類。西新橋詩。百夫下一杙。楛此百尺泥。探囊賴故侯。寶錢出金閨。父老喜雲集。簞壺無空攜。三日飲不

散。殺盡西村雞。似聞百歲前。海近湖有犀。刊本百夫至尺泥十字訛。在集字下。又簞壺至不散十字訛。在犀字下。並據東坡集改。

卷十一

牀類。登嚴武牀。刊本嚴訛廣。據唐書改。

卷十四 燕飲部

酒類。酒澆磊砢條。阮籍胸中磊砢。故須酒澆之。刊本脫酒字。據世說增。

卷十六 食物部

脯鮮類。羣書要語。凡田獸之脯腊臠胖之事。刊本脫事字。據周禮增。

卷十八 燈火部

火災類。桓僖災。刊本桓僖訛柏梁。據左傳改。

卷十九 朝服部

朝服類。倒執手版條。正自不能不爾。刊本脫下不字。據晉書增。

卷二十 冠履部

冠類。羣書要語。捐余玦于江中。遺余佩兮澧浦。刊本佩訛恫。據楚詞改。

卷二十八 器用部

鏡類雜體詩。自非磨瑩功。日月空歎息。刊本功訛玉。據韋蘇州集改。

### 古今事文類聚別集

#### 卷三 儒學部

書籍類。寫書獲薦條。北齊趙彥深初爲司馬子如賤客。刊本子訛相。據北齊書改。  
藏書二十乘條。祕書監摯虞。刊本摯虞二字互倒。據晉書改。

#### 卷六 文章部

字義類。縣官條。前漢東平王宇傳。刊本闕東平王三字。據漢書補。

#### 卷十一

賦類。作靈光賦條。後蔡邕亦造此賦。未成。及見延壽所爲。奇之。遂輟翰。刊本脫成字。又脫所爲二字。並據後漢書增。

#### 卷十六 性行部

德量類。弩不爲蹶發條。萬石之鐘。不以筵撞起音。刊本筵撞訛尺筵。據魏志改。

### 記纂淵海 宋潘自牧撰

卷二

日類。浴於咸池。拂于扶桑。刊本浴訛入。據淮南子改。

冬類。劉殷曾祖母王氏盛冬思芹。殷時九歲。乃往澤中慟哭。刊本脫曾祖二字。又澤訛宅。並據晉書增改。

卷三

準繩類。賢才之蓄于國。猶巧匠之待繩墨也。刊本脫猶字。據晉書增。

卷四

獬豸類。一名任法。狀如羊。刊本狀訛伏。羊訛牛。並據說文改。

卷五

星變類。綏和二年。熒惑守心。刊本脫心字。據史記增。

地震類。宣帝時。地震河南以東四十九郡。刊本四訛西。又脫郡字。並據漢書改增。

卷七

洛類。豫州其川滎雒。刊本豫訛荆。據周禮改。

卷十七

濟南府類。雲山已發興。玉佩仍當歌。刊本山訛色。據杜工部集改。

卷十九

潁昌府類。瀑布杉松常帶雨。夕陽彩翠忽成嵐。刊本杉松訛松山。據王右丞集改。  
滑州類。清晨發皇邑。日夕過首陽。刊本發訛望。據文選改。

卷二十一

潯州類。公孫枝。衛人。刊本枝訛援。據左傳改。

卷二十六

少傅類。太子侍。四人者從。上怪問之。四人各言姓名。刊本者訛于。怪訛徑。並據漢書改。

卷二十七

戶部尙書類。大司徒之職。掌建邦土地之圖。刊本土地訛啓土。據周禮改。

卷二十九

右藏庫類。掌邦國之賦入。刊本賦訛用。據周禮改。

卷三十三

奉使類。山國用虎節。土國用人節。刊本山訛中。據周禮改。

卷三十五

司戶參軍類。下州判司綠衫槐笏而已。刊本州訛十。據淵鑑類函改。

卷三十七

宏詞科類。乃復自疑以爲所試與得之者不同其程度。刊本疑訛直。據韓文改。

卷四十

市交類。翟公方規規然勒門以箴客。刊本脫門字。據文選增。

卷四十一

家世類。崔浩曰。京兆爲美。刊本崔訛殷。據後魏書改。

卷五十

風度類。王羲之見杜父而目之。刊本闕見杜二字。據晉書補。

卷五十三

徇公忘私類。相如雖驚。獨畏廉將軍哉。刊本脫相如二字。據史記增。

卷五十九

事有反報類。三代之將。道家所忌。刊本將道二字互倒。據漢書改。

卷六十

示人得意類。使者買死馬之骨以歸。刊本骨訛首。據國策改。

卷六十四

遺愛類。道經弘農。民庶皆設槃案于道路。刊本槃案訛槃案。據漢書改。

卷六十五

心服類。張儀曰。此吾在術中而不悟。刊本吾在二字互倒。據史記改。

卷七十

辨白類。於朝無宿貨蓄資以釣聲勢。刊本脫勢字。據韓昌黎集增。

感謝類。一言之譽。東陵侔于西山。一盼之榮。鄭璞踰於周寶。刊本陵訛鄰。盼訛面。並據文選改。

卷七十一

昏耄類。酸寒溧陽尉。刊本溧訛縹。據昌黎集改。

卷七十四

發憤類。晉公子重耳。霸心生于曹。注。荀子宥坐。刊本宥訛賓。據荀子改。

獻忠類。君將治齊。卽高傒與叔牙足也。刊本治訛地。據史記改。

卷七十六

郊祀類。作酈時。用三牲郊祭白帝焉。刊本帝訛鳥。又西登隴首。獲白麟。以饋宗廟。刊本首訛西。並據漢

書改。

蜡祭類。國祭蜡則歛齣頌。刊本脫齣字。據周禮增。

卷七十七

禮書類有司臨事遠引古義與二禮參考增損之刊本與訛於二訛三並據唐書改。

卷七十八

歌類曾子曳履而歌商頌刊本履訛縱據莊子改。

八音類籥春分之音刊本分訛風又琴夏至之音刊本琴訛笙又鐘秋分之音刊本分訛風並據舊

唐書改。

鍾類鍾帶謂之篆篆間謂之枚刊本脫間字據周禮增。

卷八十二

字類七曰爰書注爰有八觚隨其勢書刊本脫觚隨二字據說文注增。

卷八十七

醫類參之以九藏之動刊本九訛五又凡療瘍以五毒攻之刊本瘍訛病並據周禮改。

卜類夫卜者多言誇嚴以得人情刊本嚴訛言據史記改。

卷九十二

橘類璇樞星散爲橘刊本脫樞字據淵鑑類函增。

卷九十五

槐類入季春五日而免目刊本日訛耳據淮南子改。



楊柳類垂絲百尺掛雕楹。刊本雕楹訛朝檻。據李太白集改。  
桐類何由揚妙曲。刊本揚妙訛楊馬。據文選詩改。

卷九十八

牛類因趣左右探心作炙。刊本心訛薪。據晉書改。

卷九十九

龍類褚無量好學。刊本無訛元。據晉書改。

羣書會元截江網。不著撰人名氏。

卷一

聖製門歷代事實。至于几鑑盥盤楹杖帶履觴豆戶牖劍弓矛皆銘。刊本几鑑訛杙檻。據通鑑綱目改。

卷三

敬天門經傳格言。以此見天心仁愛人君。刊本人訛仁。據漢書改。

卷十一

錢帛門歷代事實。虞夏之幣金爲三品。刊本金訛全。據史記改。又廢帝時爲二銖錢。又有莢子荇葉之名。刊本莢訛未。據通鑑改。

卷十五

車戰門。經傳格言。大澗深谷。翳茂林木。此騎之竭地也。刊本翳訛騎。據六韜改。

卷二十八

役法門。歷代事實。更有三品。有卒更有踐更有過更。刊本踐訛殘。據通鑑改。

全芳備祖前集 宋陳景沂撰

卷一 花部

梅花。東坡詩。惜花未忍都無言。原本都訛終。據東坡集改。

林和靖詩。其十。摘索方開三兩蕊。團欒空繞百千迴。案蕊。宋詩鈔作朵。

卷二

牡丹。舒元興賦。坼者如語。含者如咽。原本坼訛忻。又玉欄滿風。流霞成波。原本滿風二字互倒。又成波

訛或披。並據賦彙改。

李德裕賦。念蘭茗之芳歇。歎桃李之陰成。原本茗訛若。今改。

東坡詩。露雨不成點。映空疑有無。原本空訛雪。又酒醒何所見。金粉抱青子。原本金訛合。並據東坡集

改。

卷三

芍藥楊廷秀詩。最是倚欄嬌分外。却緣經雨意醒然。原本經訛紅。又水晶淡白非真色。珠箔空明得似無。原本箔訛碧。無訛魚。並據楊萬里集改。

卷四

蠟梅陳簡齋詩。殷勤夜來雪。小住作珠環。原本環訛纓。又當時好風景。一似此園中。原本此訛北。並據陳與義集改。

卷六

玉蘂花李衛公詩。玉蘂天中見。金閨昔共窺。原本閨訛鑾。據全唐詩改。

卷七

海棠陸放翁詩。不須更著剪刀裁。乞與齊奴開步障。原本奴訛故。據劍南集改。

卷八

桃花紀要。漢武帝上林苑有細桃、紫文桃、金城桃、霜桃。原本文訛故。據西京雜記改。又案西京雜記上林苑桃有十種。此止載四種。

杜甫詩。河陽縣裏雖無數。原本數訛枝。據杜工部集改。

卷九

李花。楊誠齋詩。不見桃花。惟見李。案昌黎集。作花不見桃。惟見李。又一生不議退之詩。案議。宋詩鈔作曉。

林禽花。簡齋詩。昨暮胭脂。今日雪。案暮。宋詩鈔作夜。又付與梧桐一夜涼。案夜。宋詩鈔作夏。梨花。水龍吟。豔陽占盡青蕪地。原本盡訛立。又布繁英滿園歌吹。原本英訛陰。又脫布字。又瓊英漫好。原本漫訛譜。並據草堂詩餘改增。

卷十

杏花。韓文公詩。冬寒不嚴地。常泄。原本地訛池。據昌黎集改。

王荊公詩。人語蕭蕭院落中。原本語訛影。院落二字互倒。據半山集改。

卷十一

荷花。碎錄。其葉蓮。原本蓮訛葭。據爾雅改。

梁元帝詩。碧玉小家女。來嫁汝南王。原本汝訛江。據百三名家改。

誠齋詩。密排碧羅蓋。低護紅玉頰。原本排訛挂。據楊誠齋集改。

卷十二

巖桂花。誠齋詩。誰將天上衆香國。寄在梢頭一粟金。案粟。宋詩鈔作束。又詩情惱得渾無那。案那。宋詩鈔作賴。

卷十四

葵花李涉詩。好逐秋風天上去。紫陽宮裏要頭冠。案天上。全唐詩作上天。裏作女。

卷十五

紫薇花白香山詩。獨坐黃昏誰是伴。原本獨坐訛坐對。據樂天集改。

卷十七

薔薇孟郊詩。忽驚錦浪洗春色。案春。全唐詩作新。

卷十八

柳花鄭谷詩。數聲風笛離亭曉。原本亭訛情。據全唐詩改。

卷二十

山枇杷花元微之詩。往年乘傳過青山。原本年訛來。據全唐詩改。

卷二十六

金錢花白氏集。鑄出金錢不用模。原本模訛磨。據全唐詩改。

全芳備祖後集 宋陳景沂撰

龍眼。左思蜀都賦。旁挺龍目。原本旁訛亭。據文選改。  
誠齋詩。三危露珠凍寒泚。原本危訛山。據楊萬里集改。

卷二

芡。碎錄。葉上蹙皺如沸。原本皺訛呬。沸訛痲。據古今注改。

卷四

橙。東坡詩。須是松江烟雨裏。小船燒薤擣香盞。原本擣訛搏。據東坡集改。

卷五

桃。鄭松牕壺中天詞。餐霞嚼露。鎮長歌醉蓬島。原本鎮訛銷。今改。

卷六

梨。碎錄。上林苑有紫梨、青梨、大谷梨、縹梨、案縹梨。西京雜記作縹葉梨。又案西京雜記。上林苑梨有十種。  
此止載四種。

石榴。紀要。崔元微嘗遇數美人。其一曰石醋醋。原本醋訛措。據博異記改。

卷九

銀杏。聖俞詩。識內不識外。疑若橡栗苞。案苞。宋詩鈔作韜。

卷十

蒲萄退之詩。新莖未徧半猶枯。原本莖訛篁。據昌黎集改。

卷十一 卉部

芝。雜著。嶰竹生律。原本嶰訛薜。今改。

東坡詩。披衣相從到何許。原本許訛所。據東坡集改。

卷十三 草部

藍。呂溫詩。朱研方比德。自受始成形。原本朱訛讚。據全唐詩改。

茅。碎錄。薺牡茅。原本薺訛薺。牡訛杜。並據爾雅改。

卷十四 木部

松。紀要。庾亮見和嶠歎曰。原本脫和字。據世說新語增。

卷十六

竹。雜著。漢川脩竹賤如蓬。原本川訛中。據東坡集改。

卷十八

楸。雜著。望青楸之離霜。注。江淹。原本江淹訛潘岳。據文選改。

卷十九

檉榔。誠齋詩。化工到得巧窮時。原本脫巧字。據楊萬里集增。

樗櫟紀要。若將比于文木耶。原本訛若此木乃文木也。據莊子改。

卷二十 農桑部

穀。王安石元豐歌。水秧綿綿復多稔。原本多訛合。又乘興歆眠過白下。原本歆訛歆。並據半山集改。

卷二十三 蔬部

笋。東坡送笋與公擇詩。紛然生喜怒。似被狙公賣。原本生喜二字互倒。狙訛相。並據東坡集改。

卷二十四

蔬菜。東坡春菜詩。霜葉露芽寒更苗。原本寒更訛茱萸。據東坡集改。

卷二十八 藥部

茶。誠齋句。細參六一泉中味。故有涪翁句子香。原本脫子字。據宋詩鈔增。

卷三十

白蘘荷。柳柳州詩。蔬果自遠至。盃酒盈肆陳。原本盈訛薑。據全唐詩改。

玉海 宋王應麟撰

卷一 天文

中宮條。一曰紫微。大帝之坐也。原本脫大帝之坐也五字。據首志增。





卷二

堯考中星條。今日在斗昏中壁。原本昏訛月。據朱子語類改。

卷三

宋朝天文院條。下度地之厚與天高等。原本脫度字。又之訛至。並據廣雅增改。

卷四

元祐渾天儀像條。上布經躔以考日星行度。原本闕行度二字。據宋史補。

卷七律歷

唐七音條。十二變宮調在羽音之後。正宮之前。原本正訛清。據唐志改。

卷九

庖犧周天庥度條。乃鳩衆於傳教臺。原本鳩訛於。據三墳改。

卷十一

周挈壺氏漏箭條。旦明五通爲發响。原本响訛明。據周禮注改。

卷十二

夏四時書條。九月。熊羆貉貉黜黜則穴榮鞠。原本穴下行若蟄而三字。又鞠下行鞠榮而三字。並據夏小

正刪。

卷十五地理

晉畿服條。經山陵水泉鄉亭城郭。原本脫郭字。據隋志增。

卷十七

漢功臣八國條。盧綰與兩韓信咸得裂土。注。上欲王綰。乃立爲燕王。原本脫乃立爲燕王五字。據漢書增。

卷十八

漢中興郡縣改異條。縣國不足置長吏。原本縣國訛郡縣。又吏下衍者字。並據漢書改刪。

卷十九

元魏六鎮條。魏蘭根說李崇宜改鎮立州。原本脫根字。據北史增。

卷二十

周百縣條。上大夫受縣。下大夫受郡。原本脫縣下大夫受五字。據左傳增。

卷二十一

漢汴渠條。景與王吳修渠築隄。自滎陽東至千乘。原本陽下衍水字。據後漢書刪。

卷二十三

周五湖條。五湖謂長塘河、太湖、射貴湖、上湖、瀉湖也。原本脫上湖二字。據水經注增。

卷二十五

唐銅柱條。自九真至其國。原本真下衍援字。據舊唐書刪。

卷二十八 聖文

唐金鏡書條。黃吳之無爲。唐虞之至治。原本吳訛吳。據文苑英華改。

卷三十三

唐貞觀飛白書條。端拱元年。出古墨跡藏祕閣。原本脫出字。據宋史增。

卷三十六

周易傳條。耿南仲注二十卷。原本耿訛周。據宋書藝文志改。

卷三十七

書條。建武中。吳姚興方於大桁市得其書。案興方。陸德明釋文及孔穎達正義並作方興。與此異。

卷三十九

漢周官經傳條。梁有周官駁難三卷。注孫崎問。千寶駁。案崎。隋志作琦。唐志作略。並與此異。

卷四十四

漢釋名。原本釋訛室。據漢劉珍傳改。

卷四十七

史氏流別條。王粲漢末英雄。原本粲下衍書字。據劉知幾史通刪。

卷五十八

唐續文士傳條。文林傳五十卷。張隱撰。案文林。舊唐書志作文士。張隱作張隲。與此異。

卷五十九

梁古今詩苑英華條。百國詩集二十九卷。崔光撰。案隋志無集字。三十九作四十三。亦無崔光撰三字。

卷八十四車服

晉神璽條。侍中趙思齊接以渡江。案思齊。南史及梁書作思賢。均與此異。

卷一百六音樂

唐清樂三十六曲條。蔡邕五弄。楚詞四弄。謂之九弄。原本脫楚詞四弄四字。據唐志增。

卷一百十三學校

釋奠國學條。貞觀二十一年。詔左邱明、卜子夏、公羊高、穀梁赤、伏勝、高堂生、戴聖、毛萇、孔安國、劉向、鄭衆、杜子春、馬融、盧植、鄭玄、服虔、何休、王肅、王弼、杜預、范寧二十一人。用其書。行其道。宜有以褒大之。案唐書禮志。貞觀二十一年。配享諸儒。多一賈逵。共二十二人。與此儒學傳異。

卷一百二十一官制

元豐三省條。至建炎三年四月。始合三省爲一。原本脫始合三三字。據宋史增。

卷一百三十二

咸平宣撫大使條。趙葵爲樞使。督視江淮。京西。湖北。原本脫江淮京西湖北六字。據宋史增。

卷一百三十九 兵制

宋朝捧日奉宸隊條。今捧日奉宸二隊稱親兵。扈鹵簿。原本脫兵字。據宋史兵志增。

卷一百五十四 朝貢

唐宴東蠻麟德殿條。苴夢衝勿鄧懷化郡王。案唐書南蠻傳無勿鄧二字。

卷一百五十九 宮室

唐披香殿條。武德六年。世長侍宴披香殿。原本武德訛貞觀。據唐書改。

卷一百六十九

魏闔閭門條。置銅駝諸獸於闔閭南街。原本獸訛獵。據水經注改。

卷一百七十

太平興國東京城門條。眞遊殿西門曰延眞。案眞遊。宋詩作觀文。與此異。

卷一百八十五 食貨

周役要條。鄉師以國比之法。原本國訛周。據周禮改。

小學紺珠 宋王應麟撰

卷一

五聲條羽注爲物柳清刊本柳訛抑據爾雅改。

五音十四聲條切韻之法先類其字刊本脫切字據筆談增。

八能條調正德所行案正易通卦驗作政此從月令正義。

三代卜筮條飛燕之卜順故殷興刊本燕訛熊據史記改。

卷二

五湖條長塘湖太湖射貴湖上湖瀉湖刊本射貴分爲二又脫上湖二字案射湖貴湖已見上文此引水

經注宜從酈道元原文今據改。

卷三

七德條尊貴刊本貴訛賢據國語改。

四行條婦功注班昭女誡刊本昭訛超據後漢書改。

四民條注學以居位曰士刊本居訛屈據漢書改。

五本條寬以靜刊本脫寬字據說苑增。

卷四

四經條古文尙書注詔選高才生受四經刊本才訛堂據後漢書改。

六樂注。大司徒以防萬民之情而教之和。疏云。保氏教六樂。教以書。大司樂教以舞。案周禮大司徒及保氏。大司樂疏俱無此文。不知何據。

中論條。覈辨。刊本覈訛覆。又務本。刊本訛說藝。並據中論改。  
齊四臣條。盼子。刊本盼訛盼。據史記改。

卷六

十八侯條。襄平侯紀通。案紀通。班固泗水亭十八侯銘作韓信。此從功臣侯表改。

二十八將條。馮異注。陽夏侯。刊本陽夏二字互倒。據後漢書改。

八及條。孔昱注。海內才珍。孔世元。案世元。後漢書傳作元世。此從陶潛羣輔錄。

四俊條。崔訓。刊本訓下衍之字。據唐詩刪。

卷七

五宗條。景帝子十三人。同母者爲宗親。刊本脫親字。又榮德闕于。刊本榮德誤合爲一人。並據史記增改。

卷八

尙書五曹條。常侍曹。刊本常訛尙。據通典改。

五省條。內侍。刊本訛殿內。又內史。刊本訛集書。又殿內。刊本訛中書。並據隋書改。

祕書五屬條集賢院史館刊本集上行刊寫二字據宋史刪。  
五禁條注士師掌五禁之法以左右刑罰刊本罰訛法據周禮改。  
三才條官人史吏之材刊本史訛使據荀子改。  
三資條欲富國者務廣其地刊本國訛貴據史記改。

卷九

養老三禮條注周兼用之刊本用訛有據禮記改。

卷十

二匕條疏匕注狀如飯糝刊本飯糝訛飲糝據儀禮注改。  
五方異氣條比肩獸注壓與巧巧炬虛比刊本比訛記據爾雅改。

六帖補 宋楊伯岳撰

卷二

石條到公注到漑山池有奇礪石原本山訛止據南史改。  
水條近岸注嘗令人操舟于楊子江取南冷水原本冷訛陵今改。

卷三



里條親仁注名園甲館不可勝紀其數原本名訛良甲訛田並據唐書改。

卷四

官職名稱條白版侯注至有白版侯之號原本號訛故今改。

卷六

人物品題條高陽酒徒注孔融云酈生以高陽酒徒著功于漢原本功訛鈞今改。

卷九

門戶條靈瑣注靈神瑣門鏤文如連瑣原本連訛建今改。

卷十

水條蒲葵注出廣德州原本州訛陵今改。

卷十一

魚條鱮注梓桐山梓桐之水出焉原本山訛之據水經改。

卷十二

紙條堂溪廢牋原本堂訛唐今改。

投壺條激矢注一矢百餘反原本反訛及今改。

卷十三

書籍條。鬻異書注。每顧筥中金歎曰。何愛此不使子有異聞乎。原本子訛乎。聞訛問。今並改。  
謬誤條。杕杜注。李林甫謂韋陟。原本韋訛常。今改。

賦條。不道鹽注。漉沙掃白。熬波出素。原本掃訛諱。今改。

書翰條。庚翼效羲之注。與孫綽四十人遊山陰。原本綽訛繞。陰訛角。並據晉書改。

#### 卷十四

器械條。向日金麟開。原本日訛月。據李長吉集改。

#### 卷十六

茗條。瑠璃眼注。唐德宗爲奉節郡王。原本脫奉字郡字。據唐書增。

#### 卷二十

歌條。凌波曲注。陛下曉鈞天之音。原本鈞訛均。音訛意。今並改。



四庫全書考證卷六十四

子部

純正蒙求

稗編

經濟類編

同姓名錄

說略

駢志

山堂肆考





純正蒙求 元胡炳文撰

卷中

伯逢疑年注十二試經爲童子郎原本郎訛朗。又朗雖稚弱無仰高之風原本稚弱訛長大並據魏志改。

仲翁辭位注兄子受好禮原本脫兄字據漢書增。

子房赤松注不愛萬金之資爲韓報讐原本萬訛千據史記改。

卷下

希文義田注屏而家居俟代者與焉原本屏訛仕與訛有並據義田記改。

稗編 明唐順之撰

卷一 六經總論

儒學傳序條贊趙陸從而唱之遂顯於時原本趙訛隋據新唐書改。

卷四 易

七日來復之義條有艮有既濟有噬嗑有大過原本脫有既濟三字據漢上易傳增。

卷五

八卦取象條。爲甲冑。孔氏。甲冑外堅。所以象離之畫。原本離訛乾。今改。  
論易經文誤字條。田有禽利。執之無咎。今本之字訛作言。原本今訛元。據容齋隨筆改。

卷六書

書傳序條。二典三謨。先生蓋嘗是正。原本三訛禹。據書集傳序改。

卷七

附月令中星條。火雖心星。而氏房亦皆大火之次也。原本次訛法。今改。

卷八詩

先君之思條。此衛夫人定姜之詩也。原本夫人訛大夫。今改。

肆夏條。金奏肆夏之三。原本三上衍以字。據左傳刪。

笙詩條。南陔。由庚。崇丘。由儀。案南陔下尙有白華。華黍二篇。此脫。

卷十

可言集考條。金華魯齋王公柏之所著也。原本王訛黃。據宋史改。

卷十一春秋

公羊傳序條。其中多非常異義可怪之論。至有倍經任意。反傳違戾者。案何休公羊傳序。至字上有說者。

疑惑四字此脫。

卷十三

左氏非丘明辯條。啖助曰。論語所引丘明。乃史佚遲任之類。原本佚訛秩。今改。又左氏之書。序秦楚事最詳。如楚師燔。猶拾藩等語。原本燔訛慚。據左傳改。

卷十七

序魯世紀條。曰作中軍。原本作中訛大君。據春秋經文改。

序晉世紀條。閔元年。晉作二軍。二年。晉伐皐落氏。原本二訛三。又脫二年二字。並據左傳改增。

卷十八

序許世紀條。春秋書許之事甚略也。原本許訛楚。據李琪王伯世紀改。

卷二十禮經

會計論條。公車索米於長安。原本米訛求。據漢書改。

卷二十一

籩實豆實條。魚醢。用魚如下文羞豆之實。原本下訛上。據周禮改。

卷二十二

禮記條。又附月令。明堂位。樂記三篇。合四十九篇。原本位訛義。又脫樂記三篇四字。並據通考改增。



卷二十五

禘祫辨條。大夫士有大事省于其君。原本脫士字。據文獻通考增。

唐太祖東向議條。謂二祖宜祫食。與太祖並昭穆。屈向東位。原本屈訛缺。據通考改。

卷二十六

兄弟昭穆廟制條。懿王爲穆王孫。原本脫懿王二字。據通考改。

卷二十九

與許門諸友論宗法條。宗以族得民。原本以字下衍同字。據周禮刪。

卷三十二

唐書禮樂志序條。歡欣交接。以爲射鄉食饗。原本鄉訛御。據唐書改。

卷三十四

氏姓條。武襄遠祖狄梁公已有誥身。可驗也。原本梁訛樂。據宋史改。

卷三十六樂

易詩書古韻條。其四君孫有祀爲韻。原本有訛友。據五子之歌改。

卷三十七

晉書樂章條。改上之回爲烏林。原本上之二字互倒。據晉書改。

論樂府主聲條。其聲則越。其辭則楚。原本下則字訛。今改。

卷四十一

琴律說條。中呂注。凡律寸皆九分。分皆九釐。原本脫一分字。今增。

卷四十二

頭管卽古管條。惟楚辭大招曰。原本曰訛田。據楚辭改。

卷四十三 諸家

藝文志條。羞用五事。案羞。今本洪範作敬。

卷四十六

貨殖傳條。蘖麵鹽豉千飴。原本飴訛答。又賣漿。小業也。原本漿訛醬。並據史記改。

卷四十七

天問條。伯禹復鮪。原本復訛腹。據楚辭改。

卷四十八

唐天文志條。黃道單環。原本黃訛南。又吳中常侍王蕃考先儒所傳。原本侍訛得。並據唐書改。

卷四十九

日行條。至于衡陽。是謂禺中。原本禺訛隅。據淮南子改。

卷五十

周羣傳條先主常銜其不遜。加忿其漏言。乃顯裕諫爭漢中不驗。下獄將誅之。諸葛亮表請其罪。先主答曰。芳蘭生門。不得不鉏。裕遂棄市。後魏氏之立。先主之薨。皆如裕所刻。原本脫諸葛亮至皆如裕所刻三十七字。據三國志增。

卷五十一

夏小正解條七月秀萑葦。原本秀訛莠。據大戴禮改。

卷五十三

論歲差之誤條。祖暅奏曰。臣先在晉以來。世居此職。原本臣先二字互倒。以來訛沖之。又脫世居此職四字。並據隋書改增。

釋春秋譏失閏。原本閏訛位。今改。

卷五十四

大衍天地之數條。以生乘成。吾於六百而得天中之積焉。原本吾訛互。據下文改。

卷五十六

叙河水所經條。汭水至梁郡蒙縣爲獲水。原本獲訛睢。據水經注改。

叙禹貢山水澤地所在條。壺口山在河東北。原本口訛中。據禹貢及水經注改。

卷五十九

五行條。土在中央者。主吐含萬物。原本吐訛土。據白虎通改。

卷六十一

緯書序條。又有七經緯三十六篇。並云孔子所作。原本云訛爲。據隋書經籍志改。

卷六十三

著卦辨疑序條。龜爲卜。策爲筮。原本筮訛著。據朱子語類及文獻通考改。

卷六十五

神巫條。壺子曰。吾與汝旣其文。未旣其實。原本旣訛無。據列子改。

卷六十六

氣色論條。黑色初起。散如馬尾。原本脫色字。今增。

卷六十九

符籙齋醮條。然以天尊經歷年載。始一開劫。原本以下衍年字。據隋書刪。

卷七十二文藝

史通條。隨會之論楚也。其詞曰。華路藍縷。以啓山林。案左傳係樂武子語。此云隨會之論楚。誤。史傳條。至於尋繁領雜之術。務信棄奇之要。原本棄訛弁。據文心雕龍改。

卷七十四

書梅聖俞彙後條。宋齊而下得其浮淫流佚。原本浮訛淳。又或得其淳古淡泊之聲。原本淳訛浮。並據廬陵集改。

卷七十五

文賦條辭浮漂而不歸。原本歸訛頤。據文選改。

卷七十六

文章雜論條。文章言語與事相侔。原本脫與事相侔四字。據昌黎集增。

卷七十七

書譜條。初則未及。中則過之。後乃通會。通會之際。人書俱老。原本脫下通會二字。又泯規矩於方圓。遁鈎繩之曲直。原本之訛詞。又門生獲書機。父削而子悞。原本獲訛護。並據孫過庭書譜增改。

卷八十

字母條。卉三十并也。原本并訛筭。據說文改。

卷八十一

因文成象圖條。有邪正取。正又爲十。邪十爲又。原本脫邪十二字。據通志增。論諧聲之惑條。戊之前垂。象執戈揚盾之義。原本複衍揚字。據通志刪。

卷八十三

書說條。柳誠懸之語良是。原本誠訛成。據唐書改。

卷八十四畫

叙畫源流條。教國子以六書。注保氏掌六書。原本保下行章字。據周禮刪。

卷八十五

傳神記條。傳神寫照。原本照訛影。據晉書及東坡集改。

卷八十六占器

琴賦條。玄嶺巉巖。岵嶴嶠峯。原本嶠訛略。又慕老童於騶隅。原本騶訛隗。並據文選改。

卷八十七總論

秦論條。以爲金人十二以弱天下之民。原本天下訛黔首。據漢書改。

晉論條。毀譽脅於勢利。原本勢訛世。據晉紀改。

卷八十八君

論君道反求諸己條。紂作桀數千。睨諸侯之不諂己者。原本己訛也。據賈誼新書改。

論重大人條。故其在大譴大呵之域者。原本脫者字。據漢書增。

卷八十九將

司馬錯張儀謀伐蜀條。塞什谷之口。案戰國策作塞轅轅緱氏之口。與此異。  
韓信謀定三秦條。大王自斷勇仁悍強執與項王。原本脫悍字。據劉向新序增。

卷九十三宦

恩倖傳論條。勢等秋風。氣同夏日。亦何世而不有哉。原本世訛勢。據魏書改。

卷九十五封建

封建論條。自是配天之基。潛有朽壤之墟矣。原本墟訛基。據周書改。

卷九十六鎮

藩鎮論贊條。其餘混頊軒翥欲相效者。往往而是。原本頊訛傾。據唐書改。

卷九十九節

吳季札脫劍條。致使於晉而反。原本而訛故。據新序改。

卷一百一吏

論牧伯條。凡九州千七百七十三國。原本脫下七字。據王制增。

卷一百三戶

井田條。則不過受成於吏手。安保其無弊。原本手訛守。據文獻通考改。

卷一百四

唐田賦條。鄭叔清與宰相裴冕建議。原本裴訛裴。據唐書改。  
宋田賦條。鐘鳴鼎食之家。蒼頭廬兒。原本廬訛蘆。據宋史改。

卷一百五

宋役法條。宋因前代之制。以衙前主官物。原本主訛至。又以耆長弓手壯丁逐捕盜賊。原本耆下行以字。並據宋史改刪。

卷一百六

叙宋經費條。正其名色曰。某郡酒坊牙契錢。原本名訛明。據文獻通考改。

卷一百七

朱清張瑄海運條。入黑水大洋取成山。原本成訛澄。據元史改。

卷一百八

穀幣條。出準之令。守地用人筴。故開闢皆在上。原本脫開字。又至於王國則持流而止矣。原本國訛貴。並據管子增改。

卷一百十

宋鹽法條。船運有沈溺之患。綱吏侵盜。原本綱吏訛網利。據宋史改。

卷一百十一



唐榷酒條。獨淮南忠武宣武河東榷麴而已。原本脫淮字。據唐書及通考增。

唐榷茶條。榷茶起於養兵。原本茶訛率。據通考改。

宋茶法條。主吏私以官茶貿易及一貫五百者。原本貫訛百。據通考改。又所在積而不售。券直亦從而賤。原本賤訛錢。今改。

卷一百十二

選舉教養之法條。史鱸。史魚。甯武子。案史魚名鱸。此作兩人。誤。

卷一百十四兵

漢南北軍始末條。京卽京兆。謂之二輔。原本卽訛師。據文獻通考改。

卷一百十六

論元祐罷保甲不得其道條。籍民爲兵。古法也。雖唐府兵猶然。原本脫然字。據文獻通考增。

卷一百十七

論土兵之利條。如唐李嗣業用陌刀法。原本陌訛百。據宋史改。

保馬法條。况減軍馬五千疋。邊防事宜何所取備。原本脫馬字。又若存官軍馬如故。漸令民間從便牧馬。不以五千爲限。原本脫如字。並據宋史增。又中書謂官養一馬以中價率之。爲錢二十三千。原本

三訛七。據通考改。

卷一百十八刑

請刑法畫一疏條。苟入於文。則得而行之。故其事理也。原本得訛根。據晉書改。  
唐律刪要序條。苛刻煩碎。未甚有紀。原本紀訛幾。據吳萊集改。

卷一百二十工

古今水利總論條。文翁穿澗口。蜀以富饒。原本翁訛公。據史記改。

經濟類編 明馮琦馮瑗全撰

卷一帝王類

君道條。夏禹契。后稷。與之爲善則行。刊本契訛羿。今改。

卷三

勸進條。仗大順以肅宇內。刊本肅訛號。據文選改。

卷四

錫命條。簡恤爾衆。刊本恤訛錫。據文選改。

卷五

興亡論條。周棄。能播殖百穀。以衣食民人者也。刊本棄訛契。又人下衍之字。並據國語改刪。

卷八 政治類

治道條。放去淫溺之樂。罷歸倡優之笑。刊本笑訛妖。據漢書改。

卷九

賈由是不得仕于朝。終于柳州司戶參軍。刊本柳州司戶參軍訛作使府御史四字。據唐書改。

卷十二

御臣條。倘事與言背。則慮禍之態復興。刊本興訛回。據翰苑集改。

卷十四

霸略條。縣車束馬。踰太行與辟耳之谿。案辟管子作卑。

卷十五 儲官類

太子條。人性非甚相遠也。刊本性訛世。據賈誼新書改。

卷十六

后遂遺素金。使贊帝廢立。刊本素下衍數字。據隋書刪。

卷十七 宮掖類

后妃條。寧不知傾國與傾城。佳人難再得。刊本缺難字。據漢書補。

卷十八

女寵條。驪姬請使申生處曲沃。刊本脫曲字。據國語增。

卷十九

宦官條。今方毓德春宮。刊本毓訛敏。據元史改。

嬖倖條。不知夫五尺童子。方將調飴膠絲。加已乎四仞之上。而下爲螻蟻食也。夫蜻蛉。其小者也。刊本脫夫蜻蛉句。據國策增。

卷二十臣類

相臣條。又其下皆有嗇夫販尹。以就役焉。猶衆工之各有執役。以食力也。刊本脫猶字。據柳河東集增。

卷二十三

酷吏條。甯成者。穰人也。刊本甯訛寧。據漢書改。

卷二十七諫諍類

直諫條。況終年積聚。豈無憂怨乎。刊本終年二字互倒。據後漢書改。

卷二十八

求言條。皆以美於徐公。刊本徐訛文。又脫公字。並據國策改增。

卷二十九銓衡類

用人條。有道賢能。直言獨行。刊本道下衍仁字。據後漢書刪。

卷三十

九品失之僞。清議失之誣。銓選失之雜。刊本脫清議失之誣五字。據孫洙文集增。

卷三十一

求賢條。魏式干木而秦兵退舍。刊本兵訛近。據晉書改。

卷三十二

舉刺條。軍旅之士先材能。刊本土訛事。據歐陽文忠集改。

卷三十三

邪正條。自古小人讒害忠賢。其說不遠。刊本說訛識。據歐陽文忠集改。

卷三十五 財賦類

理財條。民多買復。及五大夫徵發之士益鮮。刊本發訛法。據史記改。

卷三十八

救荒條。下緩刑之令。遣拊循之使。刊本拊訛持。據曾南豐集改。

卷三十九 禮儀類

封禪條。寡人北伐山戎。過孤竹。西伐大夏。涉流沙。刊本脫過孤竹三字。據史記增。

卷四十

宗廟條。明象乎日月而廟樂不稱。朕甚懼焉。刊本脫而廟樂以下九字。據漢書景帝紀增。

卷四十一

明堂月令條。天子聽朔於南門之外。刊本外訛下。據玉藻改。

卷四十四

禮條。百官執職傳警。引諸侯王以下至吏六百石以次奉賀。刊本脫引字。據史記增。

卷四十五

葬禮條。秦呂不韋集知略之士而造春秋。亦言薄葬之義。皆明於事情者也。刊本脫情字。據漢書增。

卷四十七 文學類

賞舉條。秀孝多不敢行。刊本孝訛才。據晉書改。

卷四十八

史學條。蘇秦結之。合六國爲一。以擯背秦。刊本合訛時。據劉向戰國策序改。

卷五十

鹽書條。吏曰。高皇帝所以介長沙土也。刊本介訛戎。據漢書改。

卷五十二

設論條。今大漢左東海。右渠搜。前番禺。後陶塗。刊本陶訛椒。據文選改。

卷五十四

論文條豈好辨哉。不得已也。予齒在踰立。嘗夜夢執丹漆之禮器。案也。下黃叔琳注。文心雕龍本有予生七齡。乃夢綵雲若錦。則攀而採之十五字。

卷五十五 武功類

名將條。臣亦及時以請園池爲子孫業耳。刊本脫孫字。據史記增。

卷五十八

討賊條。嶠雖怯劣。忝據一方。刊本雖訛。惟據晉書改。

卷五十九

折姦條。內官不過九御。刊本御訛卿。據國語改。

卷六十

諫止征伐條。勉強砥礪。奮於功名。刊本奮訛奪。據東坡集改。

卷六十二

戰略條。田進誠將三千人殿其後。刊本田訛李。據唐書改。

卷六十三

攻守條。選才士有力者三十人。刊本脫有字。據墨子增。

卷六十五

約降條。皇甫文峻之腹心。刊本峻訛詢。據後漢書改。

卷六十七

游說條。吾令剛成君蔡澤事燕三軍。刊本脫蔡澤二字。據國策及史記增。

卷七十邊塞類

論邊條。制三大帥屯重兵以臨之。刊本重訛衆。據宋史改。

卷七十一刑法類

刑法條。如公羊所稱。不可行於今者。刊本行訛議。據昌黎集改。

卷七十二

執法條。府丞掾史十餘人。刊本十訛千。據後漢書改。

卷七十三

赦罪條。衛旱討邢而雨降。刊本邢訛邪。據唐書改。

卷七十六天文類

時令條。謹蓋藏勞農以休息之。刊本脫勞字。據柳州集增。

卷七十七



災異條。比類百則。儀之于民。刊本類訛顯。據國語改。

卷八十一人倫類

孝條。陽雍標蒔玉之祉。刊本玉訛五。據晉書改。

卷八十三

朋友條。翟公方規規然勒門以箴客。刊本脫一規字。據文選增。

卷八十八人品類

讓國條。君子立言。非苟顯其理。將以啓天下之方悟者。刊本言訛賢。據後漢書改。

卷九十六道術類

方術條。其術皆此類也。刊本術訛實。據史記改。

同姓名錄 明余寅撰

卷一

劉仲條。世祖兄劉仲從伯升起春陵。刊本春訛春。據後漢書改。

卷五

張登條。登以計給齊。刊本給訛貽。今改。

陳莊條。蜀旣屬秦。益強富厚。刊本強富二字互倒。據國策改。

卷六

郭昌條。還擊昆明。無功。奪印。刊本說明字。據史記增。

卷九

王琛條。呼術者。王琛問之。刊本術訛喚。據隋書改。

卷十

鍾傅條。從布衣致通顯。刊本衣訛表。今改。

卷十二

晉宗室條。沛順王名景。刊本順訛顛。據晉書改。

說略 明顧起元撰

卷一

象緯類。五星條。歲棄其次而旅於明年之次。以害烏帑。刊本闕旅字。據左傳補。

卷三

方輿類。九江條。七曰序江。八曰辰江。九曰酉江。刊本八曰辰三字訛爲九二字。據朱子文集改。

卷五

人紀類。凡婢役於婢者。謂之重臺條。輿臣隸。隸臣僚。僚臣僕。僕臣臺。則所謂臺者。乃十等之至卑。刊本脫。隸隸臣僚僚臣僕僕臣九字。據左傳增。

卷六

官儀類。相國丞相條。晉避司馬師諱。改爲太宰。刊本晉訛魏。據通典改。

刺史條。武帝元封五年。初置郡刺史。掌奉詔條察州。刊本脫帝字。封五訛光三。郡訛部。又察下衍諸字。並據漢書增改刪。

卷八

史別類。淮陽一老條。被褐先生。東莞臧榮緒自號也。刊本褐訛謁。據後漢書改。

卷九

王昭君條。生一男伊屠智牙師。刊本屠訛者。又雕陶莫臯立爲復株鞮若鞮單于。刊本鞮訛齊。並據漢書改。

卷十三

典述類。三代正禮殘缺條。明堂陰陽三十三篇。刊本下三字訛一。又樂記二十三篇。刊本二三二字互訛。並據漢書藝文志改。

碑非文章之名也條。漢班固有沛泗水亭碑文。刊本闕沛泗水三字。又亭下衍長字。並據古文苑補刪。

卷十六

書書類。陳魏大覺寺碑條。宋蔡襄爲飛草。謂之散草。劉伯昇小變楷法。謂之行書。刊本闕上草字。又闕散草。劉伯昇五字。並據陸深論書體改。

梁武帝評王僧虔書條。程廣平書。鴻鵠弄翅。翱翔頡頏。刊本脫平字。據梁武帝書評增。

卷十八

冥契類。山有藏道經者條。曰丹臺經。曰日月廚食經。刊本上經字訛記。據酉陽雜俎改。

卷二十

居室類。漢郊祀志條。甘泉作益壽延壽館。刊本脫上壽字。據隋書增。

卷二十二

工考類。西京雜記條。辛道支于水側。見一浮櫬。製爲魚研。刊本辛訛蔣。又櫬訛租。並據異苑改。

卷二十三

古人奇器載記條。周穆王時。渠胥國貢火齊鏡。刊本脫胥字。據拾遺記增。又高祖入咸陽宮。得方鏡。廣

四尺。高五尺九寸。刊本脫高五尺三字。據西京雜記增。

卷三十

蟲注類。歐陽文忠詩義條。囿騶虞之珍羣。刊本羣訛禽。據文選改。  
筮短龜長條。卜凶而筮吉。刊本卜筮二字互倒。據左傳改。

駢志 明陳禹謨撰

卷一

投籤條。每雞人伺漏傳更籤于殿中。乃敕送者必投籤於階石。原本脫送字。據陳書增。

卷二

懸魚於庭條。夫欲嗜魚。故不受也。原本魚訛象。據韓詩外傳改。

卷四

王弘以爲三絕條。謝瞻與從叔混。族弟靈運。俱有盛名。原本混訛緄。據南史改。

卷六

此豈可使卿有勳條。元帝笑曰。此事豈可使卿有勳邪。原本元帝訛中宗。據世說改。

卷七

毀佛鑄錢條。吾聞佛法以身世爲妄。原本脫以字。據五代史增。

卷八

召父杜母條。造作水耕。原本耕訛排。據漢書改。

殺卿者。兖州刺史條。晞乃以爲督護。後犯法。晞杖節斬之。原本後訛從。據晉書改。

### 卷九

孫臏滅竈條。善戰者因其勢而利導之。原本善訛若。據史記改。

燧象條。王使執燧象以奔吳師。原本脫吳字。據左傳增。

### 卷十

公輸爲鵠三日不下。原本鵠訛鶴。據墨子改。

### 卷十一

石礦成鐵條。禹貢厥貢砆是也。原本貢訛賦。據尙書改。

### 卷十二

雀生黠條。小而生巨。必霸天下。原本巨訛黠。據國策改。

### 卷十三

盧綰與高祖同生日條。綰親與高祖太上皇相愛。原本脫親字。據漢書增。

### 卷十四

燕銜土條。臨江閔王榮。坐侵廟壻爲宮。原本侵訛寢。據史記改。

卷十五

爲賈料子玉條。子之傳政于子玉曰。以靖國也。原本之訛文。據左傳改。

卷十七

杏核如笠條。裴航。原本航訛沆。據列仙傳改。

卷十九

敕入鳳莊門條。謝莊。原本訛謝諸。據南史改。

卷二十

王者制爵祿條。五十里之國六十有三。原本脫之國二字。據禮記增。

山堂肆考 明彭大翼撰

卷三 天文門

月類。生明條。乾鑿度。刊本乾訛虔。今改。

卷四

風類。爰居避災條。今茲海其有災乎。刊本海下衍鳥字。據國語刪。

卷五

霜類伯奇作操條采椽花而食刊本椽訛庭據孝子傳改。

霧類浪泊薰蒸條吾從弟少游嘗哀吾慷慨有大志刊本從訛事據後漢書改。

卷八時令門

正月類祀戶條孟春之月其祀戶刊本孟春之月訛正月之節據禮記改。

卷十四

冬至類圓丘奏樂條孤竹之管雲和之琴瑟刊本孤訛孔據周禮改。

卷十五地理門

地類辨物條大司徒以土會之法辨五土之物生刊本徒訛空據周禮改。

卷十八

山類敬亭條孤雲獨去閒刊本閒訛還據全唐詩改。

畏壘條今吾日計之而不足月計之而有餘刊本月訛有據莊子改。

卷十九

泰山類小衆山條岱宗夫如何刊本夫訛大又決皆入飛鳥刊本皆訛背並據杜工部集改。

華山類榮光休氣條盤渦轂轉秦地雷刊本轂訛谷又洪波噴箭射東海刊本箭訛流並據李太白集改。

改。



卷二十二

湖類。縣淪條。海鹽縣淪爲柘湖。刊本柘訛招。據水經注改。

卷三十二 君道門

帝都類。陳區。刊本陳訛粵。又留侯演成。刊本侯訛良。並據文選改。

卷三十五

詔令類。老羸往聽條。臣聞山東吏布詔令。民雖老羸癘疾。猶扶杖而往聽之。刊本杖訛挾。據漢書改。

卷三十六

巡狩類。作歌條。漢武帝南巡。至于盛唐。登天柱山。刊本柱訛桂。今改。

卷三十七

賞賜類。賜第一區條。河間王孝恭討輔公祏。生擒之。刊本祏訛祐。據唐書改。

卷三十八 帝屬門

皇太后類。爲天下母條。吾但當含飴弄孫。刊本吾但二字互倒。據後漢書改。

卷四十二 臣職門

丞相類。清德鎮俗條。楊綰字公權。刊本綰訛瑄。據唐書改。

卷四十六

總尚書類禁闈條李充懷秋賦在中秋之遙夜兮直建禮之禁闈刊本建訛從今改。

卷四十七

吏部尚書類願選敦重條孔奐爲吏部尚書刊本奐訛煥據陳書改。又綺里季刊本里訛李據漢書改。清通簡要條王濬冲裴叔則二人刊本冲訛仲據晉書改。

卷五十一

太常卿類彊禦不奪條張奐字然明刊本奐訛渙據後漢書改。衛尉卿類總序光宅初又改爲司衛卿神龍初復舊刊本龍訛農據唐書改。

卷五十二

大理卿類論楊素專權條帝聞而善之徵爲大理卿刊本爲訛乃今改。

卷五十四

太子侍讀侍講類諫事晏安條不宜專事晏安刊本宜訛安據唐書改。

卷五十六

總翰林官類菱紙條唐李德裕浸紅點書詔皆用菱汁擣紙刊本浸訛侵擣訛持據海錄碎事改。翰林學士類陶穀索分條上巳束帶穀遂趨入刊本入訛出今改。

卷六十

給事中類。諫隻日視事條。陳誠啓沃。不必擇辰。刊本闕沃字。據唐書補。

卷六十一

諫議大夫類。總序。元和元年。敕左諫議大夫宜去左字。刊本年訛中。據唐書改。  
長揖親王條。陛下以家人禮見衡王。拜之宜也。刊本禮訛視。今改。

卷六十二

御史中丞類。王恬可畏條。此兒乃敢彈我。刊本彈訛憚。今改。

卷六十三

殿中侍御史類。名自內命條。中丞孔道輔。刊本脫道字。據宋史增。

卷六十四

京兆尹類。不獻供億條。欲穀賤。追李峴。刊本賤訛錢。據唐書改。

卷六十五

執金吾類。執禦非違條。所領軍士名。飲飛。刊本土訛事。據通典改。

歷官類。叙三辰條。魏石申。刊本申訛內。又惟巫咸。甘石之說。爲後代所宗。刊本甘石二字互倒。並據晉書改。

卷六十六

王府官類。不治產業條。是儀字子羽。爲魯王霸傅。刊本是訛。吳霸訛權。並據吳志改。  
禕之師矩條。唐劉禕之拜相。王府司馬。刊本禕並訛悼。據唐書改。

卷六十八

安撫使類。錄問繫囚條。以學士王欽若爲并州道安撫大使。刊本并訛拜。據宋史改。

卷六十九

使臣類。奉世破莎車條。元康中。令羣臣舉可使西域者。刊本脫舉字。據漢書增。

卷七十

總將帥類。駐節勞民條。莫不感悅。刊本感訛敢。今改。

卷七十一

兩軍紮四將條。今若命李光弼自太原出井陘。刊本陘訛征。據唐書改。

卷七十二

刺史類。無留無滯條。始興王人之爹。赴民急。如水火。何時復來。乳哺我。刊本爹訛父。又脫何字。並據梁書改。

墾公田條。唐徐申遷韶州刺史。刊本韶訛詔。今改。

卷七十三

太守類。吏畏民懷條。南陽朱季彊直自遂。刊本陽訛季。據後漢書改。  
白鹿夾穀條。有白鹿二。夾穀而行。刊本鹿二訛虎方。據後漢書改。  
禾生九穗條。梁柳暉字文暢。刊本暉訛輝。據南史改。

卷七十四

作五君詠條。一麾乃出守。刊本麾訛摩。今改。

卷七十五

通判類題與條。唐陳子昂。刊本唐訛宋。今改。  
胸無芥蒂條。宋蘇軾。哲宗紹聖間。貶瓊州別駕。刊本脫軾字。據宋史增。

卷七十六

縣尹類尊賢共治條。夫扱綸錯餌。迎而吸之者。陽鱗也。刊本鱗訛橋。據說苑改。  
甌中生塵條。成帝時爲菜蕪長。刊本菜蕪二字互倒。據後漢書改。

卷七十七

神君條。張譚爲和寧令。刊本譚訛潭。據太平御覽改。

卷七十八

教授類總序。廬山白鹿洞及嵩陽書院。刊本嵩訛崇。據通典改。

卷七十九

縣尉類總序。杜甫贈華陽柳少府。刊本柳訛李。據杜工部集改。

卷八十

入仕類策名條。僖二十二年。狐突曰。子之能仕。父教之忠。刊本二並訛三。仕訛任。並據左傳改。  
同僚類面折長官條。漢太守歐陽歙請郅惲爲功曹。刊本漢訛唐。據後漢書改。

卷八十一 仕進門

致仕類。貴全大儀條。是日荊州始進柑子。刊本柑訛椎。今改。

香山居士條。河南尹盧貞。刊本貞訛真。據白樂天集改。

卷八十二

薦舉類。適以自伐條。東漢左雄字伯豪。刊本豪訛褒。據後漢書改。

卷八十七 政事門

徭役類。踐更悉與平價條。吳王濞。刊本王訛江。據漢書改。

卷九十一 親屬門

祖父祖母類。憂孫及亂條。侍武帝。安退告其子遵曰。刊本遵訛道。據晉書改。  
父類。殺子適君條。自宮以適君。非人情。難親。刊本宮訛窮。據史記改。

卷九十二

母類焚裘條。先遣人語云。若謝我。當釋罪。刊本釋訛什。據世說改。

卷九十三

伯叔父母類。攜姪就食條。翼至郟縣令。鑒至司空加侍中。刊本脫縣令鑒三字。據晉書增。

卷九十六

兄弟類。束帶答兄條。南齊劉璉兄璉。刊本璉訛礎。璉訛礎。並據南史改。

卷九十八

姊妹類。慮弟滅名條。政姊嫫聞之。刊本嫫訛榮。據史記改。

姑類。總序。父之姊妹曰姑。刊本之訛子。據爾雅改。

呂姑怒姪條。呂祿時出游獵。過其姑。呂氏嬖。刊本嬖訛婆。據通鑑改。

卷九十九

外祖孫類。勸甥緝歡條。劉宋蕭惠開。思話長子也。刊本開訛問。長訛少。並據南史改。

卷一百

舅甥類。助討橫江條。勸策歸取江東。刊本江東二字互倒。據吳志改。

婦翁女婿類。玉潤冰清條。樂廣字彥輔。刊本彥訛參。據晉書改。

卷一百二人品門

功臣類。圖于雲臺條。堅鐔。刊本鐔訛鐔。又萬修。刊本萬訛范。並據後漢書改。

卷一百三

名士類。陰何條。陰鏗字子堅。刊本鏗訛何。今改。

燕許條。蘇頲字廷碩。封許國公。刊本許訛燕。據唐書改。

卷一百五

朋友類。千里命駕條。安後來值康不在。兄喜出戶延之。刊本兄訛子。據世說改。

卷一百七

神童類。往說項羽條。從此以東。梁地十餘城。皆恐莫肯下矣。刊本莫下衍不字。據史記刪。  
總角爲成器條。廣性清淳。刊本淳訛純。據世說改。

卷一百九

貴人類。梁竇條。弟景。執金吾。瓌。光祿勳。刊本光祿勳訛作將作大匠。據後漢書改。  
貂蟬盈幄條。吾家全盛時。乘朱輪者十人。刊本脫朱字。據漢書改。

卷一百十

富人類。致羊萬頭條。唯橋姚已致馬千匹。牛倍之。羊萬頭。粟以萬鍾計。刊本姚訛桃。又以下衍爲字。並據



史記改刪。

貧士類。飯牛于君條。南山矸。白石爛。刊本矸訛矸。據淮南子改。

賤士類。蔡澤匹夫條。顛頤折額。涕垂流沫。西揖強秦之相。益其咽而亢其氣。拊其背而奪其位。刊本顛訛額。秦訛臣。又脫上而字。又亢訛炕。拊訛附。並據揚雄解嘲改。

卷一百十三

美婦類。驚鴻游龍條。飄飄兮若流風之迴雪。刊本風訛水。據文選改。

卷一百十四

醜男類。自恥短陋條。馮勒祖偃長不滿七尺。刊本七訛一。據後漢書改。

卷一百十六 性行門

儉約類。澣衣濯冠條。君子以爲隘矣。刊本隘訛濫。據禮記改。

狂肆類。居喪飲酒條。二人俱有毀容。刊本二人訛而文。據後漢書改。

卷一百二十

嘲諷類。雄名艾氣條。周昌、韓非、揚雄、鄧艾、皆口吃者。刊本脫韓非二字。據東軒筆錄增。

卷一百二十一 文學門

經術類。總序。分周禮、儀禮、禮記爲七經。刊本儀下脫一禮字。今增。

卷一百二十三

著書類。國秀集條。天寶三載。芮挺章編。刊本挺訛從。據十種唐詩選改。

卷一百二十四

篤學類。不欲休臥學條。十五歲而周威王師之。刊本王訛公。據呂氏春秋改。

卷一百二十五

博學類。狀皇后哀册條。觸瑟方驚。當熊已厲。刊本厲訛屬。今改。

卷一百二十八

詩類。響字條。返照入江翻石壁。刊本石壁訛水石。據杜工部集改。

卷一百三十一

頌類。中興頌條。肅宗卽位于靈武。元結作大唐中興頌。刊本結訛頌。據漢書改。

卷一百三十二

露布類。書帛條。晉王擒劉守光。刊本光訛先。據五代史改。

卷一百三十三

書法類。飄揚嚴重條。卷之盈握。沙界已周。刊本握訛幄。今改。

愛米公書條。如風檣陣馬。沈著痛快。刊本馬訛烏。據杜牧之集改。

卷一百三十五 謚法門

制謚類。韓忠獻條。四子忠彥、粹彥、純彥、幼子嘉彥。徽宗朝拜相。封儀國公。案宋史。韓琦五子。此遺脫端彥。又案宋史。忠彥官至左僕射。兼門下侍郎。封儀國公。此作幼子嘉彥事。誤。

卷一百三十六 人事門

謁見類。不見州尊條。誦顏氏之觚。刊本顏訛嚴。今改。

卷一百三十七

行旅類。店月橋霜條。晨起動征鐸。刊本鐸訛驛。據溫飛卿集改。  
餞別類。參辰條。與子同一身。刊本同一二字互倒。據文選改。

卷一百三十八

祝壽類。風聲木條。偃佗生于堯時。刊本偃訛渥。據洞冥記改。  
報讐類。九世猶復條。齊哀公烹乎周。紀侯譖之。刊本哀訛襄。據史記改。

卷一百三十九

夢感類。黃熊入寢條。其何厲鬼之有。刊本厲訛屬。據左傳改。

卷一百四十二 誕育門

誕子類。犀兒條。先逢玉雪王郎子。刊本王訛中。據蘇東坡集改。

卷一百四十三

讐生類。鬻良條。許釐莊公一產二女。曰妹。曰茂。刊本妹訛姝。茂訛笈。並據西京雜記改。

卷一百四十六 釋教門

佛祖師類。本無一物條。何假拂塵埃。刊本假訛暇。據傳燈錄改。

卷一百四十七

僧類。知三生條。第三生卽省郎今生也。刊本卽郎二字互訛。今改。

卷一百五十 仙人門

仙類。交梨火棗條。王母第二十女紫微夫人。刊本微訛微。據神仙傳改。

卷一百五十一 鬼怪門

鬼類。國殤條。身旣死兮神以靈。刊本脫兮字。又靈下衍子字。並據楚辭增刪。

卷一百五十六 典禮門

國葬類。買道難繼條。孟氏不以是罪子。刊本罪訛買。據禮記改。

卷一百五十七

郊祭類。蒼壁黃琮條。西方立秋。爲白精之帝。刊本精帝二字互訛。據周禮春官注改。

卷一百五十九 音樂門

樂舞類。翹袖折腰。修白鳥舞。吳孫皓時所作。刊本鳥訛符。據通典改。

卷一百六十

樂章類。楊惲拊缶條。報孫會宗書。刊本脫宗字。據漢書增。

卷一百六十一

悼念貴妃條。雨霖鈴曲。刊本雨霖二字互倒。今改。

金人捧露盤條。解衣沾酒。醉弦管。柳綠花紅。刊本脫沾字。又雕欄玉砌。空餘三十六離宮。刊本脫雕欄。

玉砌四字。並據草堂詩餘增。

卷一百六十二

琵琶類。琵琶行條。予左遷九江郡司馬。刊本左訛在。今改。

瑟類。思志義條。則思志義之臣。刊本志並訛忠。據樂記改。

何羅瑟條。見日磾色變。刊本日訛石。據漢書改。

卷一百六十三

箏類。贈彈箏條。天寶年間事玉皇。刊本年訛爲。據溫飛卿集改。

笛類。柯亭良竹條。余同僚桓子野。刊本同訛問。今改。

卷一百六十四 技藝門

醫士類總序今經方本草之書咸出焉刊本草訛莫今改

卷一百六十六

作畫類鄭虔三絕條顧愷之亦有三絕刊本顧訛許今改

卷一百六十八

投壺類中雋條有酒如澠刊本如訛有據左傳改

卷一百七十宮室門

宮類梨園條宮在彰德府刊本彰訛鄆今改

卷一百七十四

道觀類千秋觀條賀知章刊本知訛之據唐書改

卷一百八十一器用門


杖類投之葛陂刊本陂訛陵據後漢書改

卷一百八十二

枕類紅麩枕條弇因出一枕刊本因訛音今改

鏡類咸陽宮條人來照之影則倒見刊本則訛不據西京雜記改

卷一百八十四珍寶門



金類總序久蕪不生衣。百煉不輕。刊本蕪訛理。煉訛陶。並據說文改。

卷一百八十五

錢類呼爲王老條。人以錢文有元寶字。刊本寶訛實。今改。

卷一百八十七幣帛門

綾類段秀實字成功。刊本段訛改。又終不以汙吾第。刊本脫不字。又第訛筆。並據唐書改增。  
綃類水仙遺條。遇水仙遺鮫綃。刊本鮫訛綃。今改。

卷一百八十九衣服門

弁類執惠條。堂廉曰。刊本廉訛簾。據尙書蔡傳改。  
帽類張旭脫帽。刊本張旭訛杜甫。今改。

卷一百九十二飲食門

酒類行酒進醯條。行酒者誤以醯進。刊本誤訛務。今改。

卷一百九十三

茶類白芽條。遠出日注之上。刊本出訛山。據茶譜改。

卷一百九十五

粥類蕪萋豆粥條。更始時。薊城反應王郎。刊本薊訛蘇。據後漢書改。

卷一百九十六 蔬菜門

芹類。野人欲獻條。野人有快曝背而美芹子者。刊本美訛羹。據文選改。

卷一百九十八 花品門

李花類。減粉分香條。自明無月夜。強笑欲風天。刊本風天二字互倒。據李義山集改。

卷一百九十九

菊花類。茂風霜條。夫以一草之微。刊本一訛二。今改。

卷二百

玉簪花類。金釧買條。雪魄冰姿俗不侵。刊本魄訛魂。據全唐詩改。

卷二百二 草卉門

草類。燒不盡條。樂天詩。離離原上草。一歲一枯榮。刊本樂天訛李白。又枯榮二字互倒。並據全唐詩改。

卷二百三

藤類。寄木條。梁簡文帝詠藤詩。刊本訛作杜詩二字。今改。

卷二百四 果品門

桃子類。桓元求種條。籬落間物亦不可得也。刊本間訛開。據世說改。

卷二百五



柰子類。獨坐不顧條。羣兒咸爭。惜獨坐不顧。刊本惜訛情。又此兒恬裕。有我家風。刊本脫家字。並據北齊書改。

梨子類。張谷條。梁侯烏裨之柿。刊本裨訛脾。據文選改。

卷二百六

棗子類。鮑焦強吐。刊本焦訛集。據風俗通改。

卷二百十二羽蟲門

鷹類。猛氣條。惟茲禽之化育。實鍾山之所生。刊本脫實字。今增。取其向背條。飽則背人飛。刊本背訛向。據白樂天集改。

卷二百十四

鳥類。墮一足條。有進三足鳥者。天后以爲周室嘉瑞。刊本后訛台。據唐書改。

卷二百十五

梟類。將軍克敵條。晉張重華爲石季龍所攻。刊本重訛仲。據晉書改。

卷二百十六

鴨類。孫侯鴨欄條。慮卽毀之。刊本卽訛仰。據吳志改。

卷二百十七毛蟲門

獬豸類。堯帳條。田俛子。刊本俛訛求。據漢書藝文志改。

卷二百十九

狐類。應禹條。綏綏白狐。九尾龐龐。刊本尾訛狐。據吳越春秋改。  
兔類。舞鎬條。周宣王時有兔舞鎬。刊本宣訛先。據竹書紀年改。

卷二百二十一

羊類。嶽精條。易是類謀。刊本易是訛周易。今改。

卷二百二十二

狗類。金畜條。殺犬礫禳。刊本禳訛攘。據風俗通改。  
救主條。狗號喚。刊本喚訛喫。據搜神記改。

卷二百二十三 鱗蟲門

龍類。止庭條。龍亡而縈在櫝。刊本櫝訛櫝。據史記改。  
蛇類。蛇盤鼓上條。人遂以君謨爲蛇精。刊本蛇訛鼓。今改。

卷二百二十五 甲蟲門

鼈類。龍伯灼骨條。龍伯之國。刊本國訛骨。據列子改。

卷二百二十六 昆蟲門

蟋蟀類。驚婦條。促織鳴。懶婦驚。刊本婦訛人。據埤雅改。

卷二百二十九補遺

天文類。霆霓條。疾雷爲霆霓。刊本雷爲訛雪如。據爾雅改。  
時令獻歲條。注獻進也。刊本注訛兮。據文選改。

卷二百三十

君道類。帝驟王馳條。孝經鈞命決。刊本孝經訛春秋。據說郛改。  
人物類。牙郎條。今人謂馭僮爲牙郎。刊本僮訛駘。據說文改。

卷二百三十一

身體類。聾曠條。聾瘖不可使言。刊本聾訛聾。據國語改。

卷二百三十二

人事類。繹徽條。牽于繹徽。刊本繹並訛纏。據說文改。

卷二百三十五


飲食類。三漿條。謂訶梨勒。菴摩勒。烏攬勒也。刊本訶訛詞。據本草改。  
珍寶類。八材條。謂珠象玉石木金革羽也。刊本草訛章。據周禮改。

卷二百三十六

花木類。人柳條。一日三眠三起。刊本起訛倒。今改。  
槎蘖條。獸長麕麋。刊本脫麕字。據國語增。  
桐乳條。空穴來風。刊本穴訛閱。據文選改。

卷二百三十七

禽類。宵飛晝伏條。其狀如鳥。人面。名曰鷲鵠。刊本鷲訛鵠。據山海經改。  
獸類。當康。刊本康訛庚。又見則天下大穰。刊本穰訛水。並據山海經改。



著者 (清) 王太岳等撰

Author

書碼 082.47

Call No. 7437

書名 四庫全書考證：(二六)


Title

26

登錄號碼

Accession No. 007496

月 Date	借閱者 Borrower's Name	月 Date	借閱者 Borrower's Name



國立中央圖書館

082.47

7437

書碼

26

007496

登錄號碼

商

國立中央圖書館



0007496



.47

7

籍